

衡州府志卷之二十四

知衡州府事豐城饒佺重編

人物上

人亦曰物特重其人如古法物鼎彝比珍楚稱材藪郁郁彬彬嶽靈湘秀蒸為俊民况我

國家百年陶鈞家有孝子國有良臣品高藝苑望重薦紳顯微闡幽青史流芬

列傳

漢

蔡倫字敬仲耒陽人永平末給事宮掖建初中

衡州府志

卷之二十四

人物列傳

為小黃門和帝即位轉中常侍預參帷幄倫盡

心敦慎數犯顏匡弼每休沐輒閉門絕賓暴體

田野後加尚方令永元九年監作祕劍及諸器

械精工為後世法自古書契多編以竹簡其用

縑帛者謂之紙縑貴而簡重不便于人倫以意

用樹皮麻頭及敝布魚網造為紙元興元年奏

上之帝善其能自是天下莫不從用焉元初元

年以倫久在宿衛封龍亭侯食邑二百戶

胡騰字子升耒陽人少師事實武武死騰獨殯

殮行喪坐禁錮武孫甫二歲騰詐為己子與令

史張敞其匿之得免初桓帝巡南陽以騰爲護
駕從事公卿貴戚車騎萬乘徵求費役不可計
騰上言天子無外乘輿所幸卽爲京師臣請以
荊州刺史比司隸校尉臣自同都官從事自是
肅然以此顯名黨錮解官至尙書

劉巴字子初丞陽人少知名年十八署郡戶曹
劉表辟茂才不就曹操攻荊州昭烈奔江南荆
州羣士從之如雲而巴獨詣操辟爲掾使招納
長沙零陵桂陽會昭烈畧有三郡巴事不成欲
由交州道還京師時諸葛亮在臨丞追巴謂之

衡州府志

卷之二十四

人物列傳

二

曰劉公雄才蓋世據有荆土天人去就已可知
矣足下欲何之巴曰受命而來不成當還此其
宜也足下何言耶昭烈深以爲憾已而巴復從
交趾至蜀昭烈得巴甚喜辟爲左將軍西曹掾
張飛嘗就巴宿巴不與語飛大怒亮謂巴曰
飛雖武人敬慕足下足下雖天素高亮宜少降
意巴曰大丈夫當交四海英雄奈何與兵子共
語昭烈聞之怒然終重之嘗曰子初才智絕人
如孤可任用之非孤者難獨任也亮亦曰運籌
幃幄吾不如子初吳張昭嘗對孫權論巴福隘

不當拒張飛太甚權曰若令子初隨世浮沈容
悅元德何足稱爲高士耶後代法正爲尙書令
清儉謹默退無私交昭烈踐祚凡諸文誥策命
皆出巴手魏陳羣素重巴嘗與諸葛亮書問巴
消息

按巴祖綽彭城人官零陵太守遂家烝陽巴
初拒飛近於隘而晚以清默著其聞道者歎
宜陳羣輩交稱爲君子也

谷朗字義先耒陽人英敏特達德行純備三歲
喪母十一歲喪父與弱弟形影相弔事繼母以

衡州府志

卷之二十四

人物列傳

三

孝聞弱冠仕郡歷右職舉孝廉選賢才遂爲陽
安長遷郎中尙書令史大中正改瀏陽令未幾
陞都尉尙書清密樞機名冠郡僚旋遷廣州督
軍校尉正身率下不畏疆禦拜五官夕郎中遷
大中正大夫時交南叛朗往征之恩威大著遷
九貞太守朗稟明德所歷皆殊勲

谷府君朗仲子失其名明瑩純粹英穎特達舉
孝廉歷右職除郎中不枉道以求進不希世以
苟合性潔冰鑑氣厲秋霜封臨海永寧侯

晉

羅含字君章耒陽人含少孤嘗晝卧夢一鳥飛
入口中自此藻思日新庾亮以爲江夏從事桓
溫臨州名補征西參軍尋轉州別駕以解舍喧
擾於城西立茅屋布衣蔬食晏如也溫嘗宴會
問僚屬曰含何如人或曰荆楚之材溫曰自是
江左之秀豈惟荆楚徵爲尚書郎遷宜郡太守
含致仕還家庭階忽蘭菊叢生人以爲德之休
徵

唐

趙知微衡山人穆宗朝以布衣上言時政詞旨
激切帝命宰相慰諭之宰相因賀天子納諫然
終不能用

衡州府志

卷之二十四

人物列傳

四

谷那律淹貫羣書褚遂良稱爲九經庫官至諫
議大夫高宗出獵遇雨顧左右曰必油衣方不
漏那律對曰以瓦爲之則不漏上默然良久遂
不出獵

五代唐

歐陽彬衡山人博學能文初以所著書詣馬氏
不用乃走入蜀獻賦蜀王王悅之擢居清要後
官居尚書左丞出爲夔州節度使尋解官歸衡

山

宋

鄭向衡陽人大中祥符進士官龍圖閣學士教其甥周茂叔大儒補向恩廕向嘗撰五代開皇紀三十卷起居注故事三卷

鄭平衡陽人天禧進士永州判官兼監衡州菱源銀冶歐陽修銘其墓曰自信者不疑知命者不惑故得失不累其心喜愠不見其色

侯友彰字夢符衡山人皇祐進士爲臨武尉改桂林丞廉慎不苟居官十年布衣蔬食無異寒

衡州府志

卷之二十四

人物列傳

五

士有同年生訪之輿從綺麗友彰飯以蔬糲客去其子以貧約爲羞友彰曰寇平仲位兼將相宅無樓臺彼何人也示子詩云老去官仍舊貧來口亦添舉杯瓶易罄下箸味難兼吾祖從來儉癡兒莫漫嫌萬錢終有命遺汝不如廉

廖剛字用中衡山人少從陳瓘楊時學崇寧五年成進士時蔡京當國剛爲御史論奏無所避歷官刑部侍郎出知潭州日食奉詔言事請建國儲語甚切詔拜御史中丞屢疏皆國大計時徽宗已崩上遇朔望猶率羣臣遙拜淵聖剛言

禮有隆殺兄爲君則君之己爲君則兄之可也
時鄭億年譽秦檜得美官剛顯疏其惡檜銜之
金人叛盟剛乞起舊相有德望者處以近藩檜
聞之曰是欲寘我何地耶改工部尙書而以王
次翁爲中丞值邊報至從官會都堂剛謂億年
曰公以百口保金人今已背約有何面目尙在
朝廷乎億年奉祠去次翁與右諫議何鑄劾剛
薦劉昉陳淵相爲朋比遂致仕

趙方字彥直衡山人棠子也從張栻學淳熙八
年舉進士知青陽縣告其守史彌遠曰催科不

擾是催科中撫字刑罰無差是刑罰中教化辟
知隨州南北初講和旱蝗相仍方親走四郊以
禱一夕大雨蝗盡死適和議成諸郡寢弛備方
獨招兵擇將不少懈時劉光祖以耆德爲帥方
事以師禮自言吾性太剛每見劉公使人更和
緩請光祖書勤謹和緩四字揭座隅以爲戒累
官顯謨閣學士擢刑部尙書俄得疾貽書宰相
論疆場大計卒贈太師諡忠肅方起自儒生帥
邊十年以戰爲守畱意人才知名士皆拔爲大
吏諸名將多出其麾下推誠擢任得其死力有

戰必克使朝廷無北顧之憂其沒也人皆惜之
趙范字武仲方子也嘉定十三年與弟葵殲金
人於高頭十四年又敗金人於天長授制置安
撫使彭義斌請范合謀討李全范告於制置使
趙善湘不從范乃上書史彌遠具言江淮戰守
機宜朝廷乃召范稟議於是討賊之謀遂決遂
戮全進范兵部侍郎淮東安撫使又進端明殿
學士京湖安撫制置使初蒙古遣使來議夾攻
金朝臣皆以爲可遂復讐之舉獨范不喜曰宣
和海上之盟厥初甚堅迄以取禍不可不鑒帝

不從

趙葵字南仲初方夢南嶽神降其家乃生葵與
其兄范俱有大志葵年十二方賞將士恩不償
勞軍欲爲變葵覺之亟呼曰此朝廷賜也本司
別有賞賚軍心乃定人服其機警嘉定二年金
人犯襄陽葵與范戰走之又攻金人於高頭大
破之又敗之於蘄州斬馘萬餘李全攻揚州葵
親出搏戰屢戰皆捷遂殺全葵前後畱揚八年
墾田治兵邊備益飭拜右丞相尋出爲湖南安
撫使累封長沙郡公進冀國公先是言者論葵

非由科目進葵因力辭其表有云霍光不學無術每思張詠之語以自慚后稷所讀何書敢以趙抃之言而爲解年八十一卒卒之久五洲星隕如箕贈太傅諡忠肅

李椿字壽翁衡陽人其先永平人父升進士起家靖康之難升翼其父以背受刃與長子俱卒椿年尙幼藁殞佛寺深窻而詳識之奉繼母南走艱苦備嘗竭力以養以父澤補廸功郎歷官至寧國軍節度推官吏才精強人稱之張浚辟爲制司常以自隨椿奔走淮甸緩流民布屯戍

衡州府志

卷之二十四

人物列傳

八

察廬壽軍情相視山水砦險要周密精審所助爲多浚嘗歎才之難椿曰豈可厚誣天下無人惟不惡逆耳而耳遜志庶肯來耳椿知鄂州請行墾田復戶數千曠土大闢移廣西提點刑獄釋所疑數十百人奏罷昭州金坑禁仕者毋市南物移湖北漕適歲大稔米價昂杞殫心區畫米舟湊集價大減每行必前期戒吏具州縣所當問事列爲籍單車詣道所至取吏卒備用峻却饋遺言事者請下諸道爲式名爲吏部郎官論廣西鹽法孝宗是其說遂改定焉除樞密院

檢詳小吏持南丹州莫曾表求自宜州通市因
簽書張說以聞椿謂邕遠宜近故迂之豈無意
今莫氏方橫奈何道之以中國地理之近小吏
妄作將啓邊釁請論如法說怒椿求去上慰諭
令安職遷左司復請外除直龍圖閣湖南副使
卒贈文肅

趙淮葵從子李全之叛屢立戰功累官至淮東
轉運使德裕中戍銀樹壩兵敗與其妾俱被執
至瓜州元帥阿朮使淮招李庭芝許以大官淮
佯許諾至揚州城下乃大呼曰李庭芝男子死
耳母降也阿朮怒殺之

衡州府志

卷之二十四

人物列傳

九

明

茹瑞衡山人洪武中瑞年十六爲國子監生太
祖夜夢一人偉貌修髯俯伏階下曰臣南嶽神
也來輔陛下詰旦上幸國學見瑞髯貌與夢中
神相肖詢其籍則衡山人也上奇之除承勅郎
歷通政使勤於職二十三年拜右副都御史試
兵部尙書定文武封贈之典及武官庶子襲職
例上每稱瑞爲賢人君子并蠲其田塘園林租
稅累加太子少保惠帝卽位改吏部與黃子澄

不相能出掌河南布政司事尋復召爲兵部尙書修高廟實錄以瑞爲副總裁成祖卽位詔稱瑞事太祖忠功甚重封忠誠伯食祿一千石終其身仍兵部尙書太子少保券文有中外一人中流砥柱之褒詔以秦王第二女長安郡主下嫁其子鑑卽命瑞出營公主府第還朝坐不送趙王遣歸里過長沙以谷王穗陰蓄異志遂不謁王王以爲言時方重藩禮谷王又開金川門有功帝意嚮之陳瑛遂劾瑞違祖制下錦衣獄服藥死時永樂七年二月也瑞居官謹慎謙和

衡州府志

卷之二十四

人物列傳

十

有容其死也人皆惜之

李璽耒陽人宣德庚戌進士拜監察御史出按浙江陝西皆有能聲陞浙江叅政正統己巳閩處變作提兵分守寇平賜勅獎諭又勦安吉賊攻處寇皆有功賜鈔帛晉雲南廉使省刑興學奏議賑荒秩滿民詣闕奏畱者五百餘人賜詔褒異進通議大夫因畱在凡十三年始告祠歸滇人立祠祀之

陳謨安仁人字嘉言丰儀甚偉器識凝遠正統戊午鄉試第一授禮科給事中轉左景泰壬辰

奉使琉球國王甚敬禮之後以剛直忤旨謫泰安州同遂乞歸

王詔字伯宣衡陽人正統壬戌進士授禮科給事中在諫垣二十餘年多所建白改通政司右叅議勅視易州山厰興利剔弊具有成績擢工部左侍郎出浚運河以疾告歸

廖珊衡陽人博學工文詞宏治辛酉鄉試第一正德戊辰進士授行人以憂歸珊事親孝父性嚴峻怒則長跪終日不命之起不敢起以詩禮教授里中從遊者多發聞於世直指毛伯溫首

衡州府志

卷之二十四

人物列傳

十一

薦於朝旋卒

劉吳衡陽人天順進士官給事中彈劾不避權倖人皆憚之成化中再論宮闈事落職直聲震中外

謝文祥字元吉耒陽人成化進士選庶吉士授御史數上封事指斥時政謫南陵縣丞李東陽劉大夏陳獻章輩俱壯其節贈以詩年三十七卽挂冠歸

周璽字國用耒陽人成化閒領歲薦任滇南楚維府檢校行取戶科給事中司江南稅課去貪

如去疾轉禮科都給事遷京兆丞峻拒權瑾三杖於朝直聲騰中外乞歸桑梓囊橐蕭然

文林字宗儒衡山人成化壬辰進士初授永嘉知縣法度嚴明豪右屏息值市舶太監之弟鴟張爲民患林以計擒禁之卒瘦死而風岸峭峻人多忌之後改博平益挺特不撓政成擢南京太僕寺丞南直草場多爲豪強所侵林申於兵部盡復其畝給民耕種課租買馬時寺政多廢弛馬多虧額林以法覈之各屬咸奉約束會以親憂致疾棄官歸田特詔陞溫州知府至則平

市價均徭賦元旦有盜殺人林禱於神夢鷹三雛被風翻巢落地心計有潘英者殺之執訊遂服衆稱爲神明未幾卒篋無一溫物

甯欽字宗堯衡陽人爲御史武宗南巡抗疏力請回鑾又奏革古府魚稅定遞馬之制減帶徵之數郡人至今德之

文森字宗巖林異母弟也舉成化丙午應天鄉試丁未成進士明年戊申宏治改元奉旨詣諭山東鳳陽廬淮諸郡尋以纂修憲宗實錄奉使採訪浙江事竣予告辛亥授慶雲令屬歲旱召

父老問所疾苦時民窮而督賦益急民亡且盡
因閱獄有以逋賦繫者立縱遣之上疏乞免田
租不報再上疏卒免其半旣而請賑上官令列
戶給之戶不過五斗森曰戶有大小概給不均
給之當以口賦於是按籍計口民被實惠會開
興濟河役民甚衆又役之治道森曰民饑且死
何以出役走白於郡悉得減俗有所謂打旱魃
者歲旱則聚惡少發新瘞墓尸而鞭之或執產
婦被髮坐沃之曰淋旱魃森諭之曰在法發冢
邪巫皆重辟若曹奈何蹈之因嚴爲禁絕癸丑

丁母憂丁巳起補鄆城鄆故多盜白日遮劫不
可迹森所在置民兵什伍分曹更邏又高懸賞
格以勸勞之盜由是戢嘗奉郡檄捕劫盜森默
記其所失贓他日獲盜遽詰之盜駭愕卽吐實
蓋郡與真保比壤盜出沒於此有趙小老者嘗
偶遇一僧知其盜也罵而逐之旣而他盜以僧
言誣趙爲盜橐者森使趙青衣雜羣隸中間盜
識趙否曰識之曰羣隸中亦有類趙者乎曰無
也森曰果汝妄耳因釋趙不問泄鄆三年召拜
監察御史會冢宰缺大臣有夤緣求進者森疏

論之且謂冢宰非劉大夏周經不可以專擅選
法下詔獄上薄其罪咎而不問丙寅正德改元
逆瑾勒令致仕庚午更化起掌河南道事壬申
陞南太僕寺少卿極言科駒賣駒追贖例死諸
弊政綜核裁正上下賴之乙亥晉都察院僉都
御史尋乞休世宗踐阼廷臣先後薦森老成可
用不報

吳紀衡山人忠富子也成化進士授兵部主事
歷員外郎中忤逆瑾出爲浙江叅政捐俸二千
餘金貯庫以備賑濟尋致政去之日敝篋蕭然

衡州府志

卷之二十四

人物列傳

十四

歸家日與南臺僧無礙爲方外交所著有遺清
軒漫稿

謝訥字尙敏文祥子宏治進士授戶科給事中
奉勅稽查兩廣糧儲人不敢干以私遷刑科給
事中值逆瑾專擅訥糾合言路首發大奸奸黨
奪氣武宗嘉其直瑾誅擢工科都給事旋卒

胡文璧字汝重耒陽人宏治進士正德中歷天
津兵備副使中官張忠督直沽田莊縱羣小牟
利商民失業文璧捕治之遂爲忠所構械繫詔
獄謫延安府照磨嘉靖初累官四川按察使

劉黻號嶽亭衡陽人正德進士授行人武宗南
巡上疏切諫受杖改南京國監子學正世廟繼
統詔復黻官授御史按蜀有威望未幾疏請終
養杜門却掃清儉不減寒士當世名流如湛甘
泉鄒東廓輩咸高之所著有易卦變兩朝奏議
童訓及詩文若干卷

易泉字伯原號蒙庵衡陽人嘉靖壬午鄉試第
一遊南雍倡明聖賢之學羅念菴唐荆川亟稱
之十試春官不第除鎮江府推官廉靜明恕晉
戶部主事歷雲南按察僉事風裁凜凜請託賂

衡州府志

卷之三十四

人物列傳

五

遺一概屏絕同事者或忌之遂引年歸里泉孝
友性成讓產與其弟永每晨起整衣冠竟日雖
溽暑不廢語門人曰學在整齊嚴肅舍此無入
手處年八十

劉穩字朝重號仁山嘉靖進士歷南韶兵備道
獐賊猖獗穩單騎至賊壘諭解之計擒山寇馬
五等進本道副使賊帥官祖政狡而勇穩密令
其所親圖之而故洩其事於祖政果相猜忌格
鬪死者六百人旋出師會勦殺祖政於黃岡築
英德城以扼賊吭韶南以寧以疾歸再起廣東

叅政晉南太僕寺卿穩器度宏達其沈幾遠畧動中肯綮得之學問者居多卒年纔五十七學者惜之

朱炳如字稚文衡陽人希賢子也嘉靖進士官行人奉使藩府饋遺無所受進御史按鹺兩淮積贖緩三萬金牒漕司以佐邊備賑後出守泉州單騎入境與一老蒼頭相卧處好獎拔士類泉士比之真德秀王十朋歷兩浙運使陝西布政使益勵名節處脂不潤在涅不緇然終以不附權貴致罷

周廷參字誠之衡山人嘉靖進士知海寧縣時倭寇海上聲言取錢塘一路廷參遣素所練壯士密投入倭中誘之先渡設伏邀擊所遣壯士從中起賊衆奔潰遂擒其渠

祝詠字鳴盛衡陽人嘉靖進士歷戶兵二科給事以鯁直忤權幸會星變應詔有黨執政者故指事應爲解詠力破其奸時甘肅諸邊入貢誣訐撫鎮大臣詠奉命驗覆得實不復株連數論列邊事如燒河套復屯田諸議當事尤忌之出爲太平知府左遷兩淮鹽運同知皆有直聲陞

四川松潘兵備副使撫視籌畫洞悉利弊陞陝西左參政未幾罷歸詠師事湛甘泉與羅念菴爲友爲書堂於岫嶠甘泉銘之卒年六十八

彭良臣字時卿號玉吾衡陽人少卓犖有大志壬子舉於鄉乙丑授廣東歸善知縣歸善素被寇水旱頻仍死徙殆半良臣約己儉用蔬食單騎與民休息民甚德之尋調去士民力請於當路者數千人願借彭以終惠小民去之日行李蕭然士民攀號如失怙恃爲建祠祀之嘗師事蔣道林手校大學古本註釋所著有太極答問

衡州府志

卷之二十四

人物列傳

七

射禮纂諸書白石蔡公稱其發明理學有功斯文

劉堯誨字君納由進士令新喻擢留都刑科給事中時東南患倭勢且薄南畿堯誨抗疏論總制胡宗憲失策疏入時相分宜領之又浙直以備倭故凡均徭銀俱先三年辦名曰提編法民困甚堯誨抗論工於取民孰若拙於省費而省費莫先於罷興作裁冗兵及視內府藏劾內外供應尙衣寺人多所破冒培剋條析極詳省局有不便者遂陰中之秩滿請告歸壬戌秋粵寇

犯臨武攝篆者不知所爲堯誨率子弟禦之又募艾家兵爲外援從閒諜奪賊所豎幟賊驚爲神率引去癸亥南中大寮果以前疏嫉之奪諫職士論爲之不平亡何起補上海丞屢遷僉都御史撫八閩閩有巨寇林鳳劫掠濱海郡邑猖獗甚堯誨設方畧殲鳳黨並擒倭朶麻哩諸衆南奧一島介漳潮閒賊往來憑之爲患奏設總兵以斷賊巢晉副都御史尋以浮議聽勘歸勘卒亡驗起撫江西疏蠲積年逋賦二十九萬畧會兩粵頻年倥偬督帥難其人擢堯誨少司馬

兼御史中丞總制之至粵上疏請以軍政條例從事禁絕饋遺汰冗浮覈名實懲貪冒修器械又以往者諸將以縱賊林道乾伏法上言曰法惟行於將領罰不及於文寮非所以示公也竟按海防官不少貸一時聲威肅然粵西八寨舊爲梗後且併龍哈唏咳二寨先是新建伯王守仁亦旋勦旋叛堯誨調土兵定之酌善後七策由是南人不復反矣磨厓紀功又條畫粵西鹽法使湖以南民不苦鹽嶺以東兵不苦餉陟雷臺右御史晉戶兵二部尙書叅贊幾務會有誣

爲故相江陵姻戚者遂乞歸卽衡陽賓日門家
焉杜門博極衆流有格物致知等論在江西建
濂溪書院自爲記在粵江陵檄撤天下書院曰
此非朝命也兩粵書院得無恙所著有歷官奏
議嶺南議治河三議畱垣吟橐臨武志行世左
史評議虛籟集以兩廣功食從一品俸卒賜葬
祭加贈太子少保

伍讓字子謙衡陽人隆慶進士官刑部員外郎
有縱騎捕諸平民爲盜者白釋之嗣丁憂起補
繕部郎陞雲南僉事視學貴州再以憂歸起補

衡州府志

卷之二十四

人物列傳

九

廣西僉事陞河南叅議時汝南經馬鞍山賊叛
後道殫相望讓悉心安集所活甚多餘黨據高
老山讓出奇兵捕之斬獲畧盡遷南嶺道副使
李垣號紫峯萬歷五年由萍鄉訓導陞本庠教
諭器量冲融督課有方人材無大小皆受其裁
成

曾鳳儀耒陽人萬歷癸未進士歷儀曹郎與岳
元聲顧允成等倡議疏請建儲尋致仕與諸同
志建集賢書院於衡嶽祀昌黎鄴侯清獻濂溪
會方廣晦庵南軒祠火鳳儀復迎兩主合祀書

院中購田紀石爲講肄資又與曾文恪公朝節
建會館於京都爲湖南士夫邸舍至今賴之
康時升衡山人萬歷戊子領鄉薦授惠來令有
獄寃滯十年立爲洗雪邑濱海番船輻集舊爲
利藪無絲毫染時赤脚兵騷動郡邑聞時升廉
吏皆散去時升湛深理學常曰勢位富厚轉瞬
盡耳惟德與義真堪不朽所著有懷德軒集
康元積衡山人與兄元和同舉萬歷甲午鄉試
元積辛丑進士官太常博士上保泰疏侃侃數
千言深切時政趙冢宰煥稱爲當代一人將擢
銓部力辭旋奉欽取擬注吏科遽卒嘗以黃堡
驛馬病民條議改罷又倣安成條編例調停邑
賦省若干緡鄉人賴之

衡州

府志

卷之二十四

人物列傳

三

伍定相字學父衡陽人年十三通綱鑑性理萬
歷中選漢魏以來十一代詩文各成一部爲詩
文二壘以貢入南雍上安民定亂十三策

陳廷策衡陽人少孤貧力學補諸生文章有聲
生平自檢甚嚴額其所居齋曰敬畏子宗契拜
御史廷策與家人約毋預外事宗契嘗函一文
穀爲壽卒封識不啓食糲衣簞泊如也萬歷丁

未病危宗契方按兩浙聞父病馳歸猶張目熟視徐咏曰兒歸事已畢老至死何辭遂逝

陳宗契字景元衡陽人萬歷進士選庶吉士改御史時陝西稅璫梁永盡害按臣徐懋恒宗契專疏請誅永以伸國法又糾遼左稅監高淮擅預兵機乞正其罪直聲震輦下天啓初歷通政叅議魏忠賢擅政諷使附己卽日三疏乞歸年九十二卒

趙良相字伍視衡陽人一歲而孤母劉氏年十八苦節撫育家貧十餘歲尚未就傅有同里石

衡州府志

卷之三十四

人物列傳

三

姓者夜夢繞其柱及明視之乃良相也因教之讀書妻以女二十二入學中萬歷庚子舉人辛丑聯捷初任南京工部屯田司主事陞兵部員外轉郎中遷知揚州府丁母憂起補大名府歷河南山東叅政立品正直居心仁厚爲官數十年廉明清肅所至有聲

陳聖典字希虞衡陽人萬歷癸卯舉人癸丑進士授南駕部未幾請告旋起南儀曹歷叅滇及豫章藩臬在豫章攝糧盡除陋例尋督黔學所識拔多名士性孝淡於宦情丁父艱歸遂不復

出母卒曰吾當從母地下矣明年卒

歐陽炳字元素衡陽人年二十舉於鄉知南部縣奏績稱最陞建昌府判善撫尙苗復得上考擢思恩府同知尋謫秦罔寺監正釐蠹去苛畜大蕃息復陟思恩令以母老致仕

曾朝節字直卿號植齋衡陽人父銳初爲郡法曹攜朝節讀書解中郡守白石蔡公聞書聲詢知爲朝節因試以藝擊節歎賞目銳曰若有是子猶區區逐文墨吏耶銳遂延師教子十七餼郡庠嘉靖戊午舉於鄉萬歷丁丑殿試一甲第

衡州府志

卷之二十四

人物列傳

三

三授翰林院編修遷侍讀辛卯典試南畿進國子監祭酒陞禮部侍郎協理詹事府侍經筵戊戌辛丑兩充會試副考官教習庶吉士凡六年陟禮部尙書上疏請上肇修人紀執兩端以用中於民上嘉納之充東宮侍講每因事納誨東宮怡然聽受時上眷注方殷而朝節疏乞歸凡五上始允甲辰卒於京邸上震悼贈太子太保諡文恪朝節性廉靜不苟取曾捐金建城北來鴈塔又於京師建會館爲湖南士夫邸舍無子以弟朝符之子廷棟爲嗣廕授上林苑監丞

吳國瑞衡陽人以天啓覃恩貢太學中乙榜判
徽州府降補閩省理問轉秦檢校以廉惠聞薦
補岐山令告歸所著有思齊錄歸田集子汝潤
登賢書

謝恩衡陽人任鳳陽府通判時中官守備地方
多贖貨擾民恩上疏言中官銜命而出政以賄
成所從第姪廝養如虎而翼要挾有司侵漁地
利民不聊生致傷和氣旱澇疊至乞聽御史繩
以三尺庶生民不至阡危疏入謫寧夏衛經歷
後轉重慶同知

衡州府志

卷之二十四

人物列傳

三

謝文正恩之子以貢任大同衛經歷疏白李瑾
朱震等之寃又上疏言禦邊之策在守與戰戰
之利一守之利四區畫甚詳轉宿遷知縣疏論
巡按御史王英多用役夫因請嚴爲限制士論
韙之

歐燾字洞陽衡陽人以貢授姑蘇掌故文譽傾
吳下尋內召國子監學錄擢梧州通判梧州稅
務府正佐各視一季輒苦墨吏取盈燾獨清剛
不染一塵有珠商翫法當受杖藏走盤珠於衣
閒礪衣珠見燾笑曰豎賈欲以此貨刑乎卒杖

之羣商感其廉約請更畱視稅事爚辭之益力
會和尚山猺賊亂躬請帥師入巢勦撫瀧封底
平遷高州府同知旋引疾乞休

王朝聘字修侯衡陽人性篤孝家故貧父早喪
竭哀盡禮郡守李燾嘉其行爲表其父塋以旌
之旣終喪投徒衡山會母邁痰疾朝聘聞報薄
暮馳百里漏下二更抵家母一顧而終捧母咯
痰孟晝夜哭三日不絕聲少從伍學父遊嗣鄒
泗山講學於衡遂受業焉其學以克己爲本斂
華就實不爲苟難天啓辛酉鄉貢遊北雍已而

衡州府志

卷之二十四

人物列傳

十四

意有所拂投袂歸閉戶潛修郡邑長聞風造請
皆以疾辭不見尋臥病南嶽蓮花峰臨終戒其
子介之夫之葬峯下題曰明處士某之墓

王夫之字而農號薑齋崇正壬午舉人以文章
志節重於時精研六經性理諸書尤篤志橫渠
之學嘗言學必能行行之而始言之卒之歲作
書以別親友臨終戒其子攷敵曰勿爲立私諡
勿用僧道學政宜興潘宗洛訪其遺跡爲之立
傳攷敵皆積學有文名

王介之字石子衡陽人舉人至性孝友獻賊陷

衡匿嶽山賊質其父以購之介之痛不欲生與
弟夫之百計營護得俱脫爲文矩步先民作春
秋四傳質

蔣大位耒陽人字金元崇正己卯任四川綿竹
簿辛巳獻賊犯成都州縣多陷沒會綿令缺以
大位攝篆竭力死守綿賴以完以卓異陞成都
郡丞母老辭歸

鄒統魯字大系鄱縣籍衡陽人弱冠入泮崇正
乙亥拔貢廷試全楚第一中南直副車尋中壬
午舉人癸未獻賊陷衡株求紳士迫以僞命乃

衡州府志

卷之二十四

人物列傳

三

單騎亡之粵上書總制沈猶龍謂保粵莫如援
楚沈疑之適羅定牧包爾庚在坐謂統魯有經
濟略昔在南雍同研席知之極稔乃延入幕府
聞親喪還里棲隱祁邵山中所至肩書篋自隨
天性孝友生平無私財所入歸父母善事兄生
則分贍沒則殮葬撫教兩孤姪與己子無異
會鳳詔字金簡耒陽人幼習經史以古處自期
稍長父臥病歲餘昕夕侍湯藥不輟每額天乞
以身代及居喪哀毀骨立事母亦如之明末獻
賊陷州郡鳳詔以儒生奉粵檄討逆除軍前都

督同知胞翁鳳紀負勇略亦領中軍職募鄉勇數百人協力禦戰鳳紀遇害鳳詔痛憤不已保集殘卒以待未幾賊潰

國初詔求隱逸邑令李文煒薦之不起怡情邱壑以文辭自娛嘗作西隱敘知足說以自寓

譚楚良字鍾衡才幹英敏由熹廟登極恩選授蜀奉節令時郡守朝邑成公琰清介剛方諸屬吏無當意者公方蒞任卽以數疑獄委決隱伏立發而持己端嚴未嘗妄取於人守心許之每遇煩劇無不屬公措理邑舊有積猾十餘人盤

衡州府志

卷之二十四

人物列傳

三

結爲民害公廉得其狀舉其尤者寘之法公庭肅清夔孔道也歲供商稅數萬金先是諸郡佐利其羨皆營據以爲己私守重公廉專委屬焉惟日計上供數貯之不外取商舶一錢商民歡服無何有流寇之亂公撫綏瘡痍完繕城池不煩苦於民而諸務立辦分守周公士登嘉之日危而復安非若令不及此於是兩臺交疏薦之乃以疾致政歸歸而閉戶課子不輕見有司一
面年五十八卒

管大成衡陽人舉人授福州通判奉檄調餉赴

都至涿州聞警星夜疾馳入都城奉旨擢補臺省官以不謁權貴遂不果用

本朝

王長祚字爾昌衡陽人歲貢弱冠食餼父喬年有富名獻逆陷衡長祚與次子璠爲遊騎所獲拷訊備至終不言父所在賊怒挽髮加兵於頸璠號泣碎首求代騎中有張姓者疾走叱曰此父子皆孝於親者得釋居父母喪顛沛皆如禮爲衡山集賢書院山長時鎮江錢邦芭隱於衡嶽與友善一夕夢錢與慟別果訃至長祚竭力

衡州府志

卷之二十四

人物列傳

七

經紀其後事葬於集賢峰下

歐陽正煥字堯章號慕耕旦子辛酉領解額乙丑成進士選庶吉士戊辰授翰林院編修晉御史庚午典試浙江壬申充順天鄉試同考官幼擅奇稟爲文章洋洋纒纒數千言立就雅稱鉅手浙闈曉揭有公明之目爲御史敷陳皆關大體爲一時公卿所推重性孝友事父母祖父母皆竭其力兄弟四人相友愛甚篤自丁母憂後絕意仕進終養老父父沒哀毀成疾生平束身禮法爲昭潭嶽麓山長學者深佩之

忠義

五代周

廖偃衡山人光圖之子後周廣順元年九月楚王希萼爲馬步徐威所逼幽之於衡山時彭師高居衡偃與其季父匡凝謀曰吾家世受馬氏恩今希萼長而被黜必不免禍盍相與輔之於是率臧獲及鄉人與師高共立希萼爲衡山王以縣爲行府斷江自守編舟爲戰艦以師高爲武清節度使召募徒衆數月至萬餘人州縣多應之遣判官劉虛己求援於唐唐主嘉師高及偃之忠以師高爲殿直都虞侯以偃爲左殿直軍使萊州刺史丙辰復以爲道州刺史後死於王逵之亂

衡州府志

卷之二十四

人物忠義

五

宋

李芾字叔章衡陽人椿曾孫也生而聰警少自樹立魏了翁一見謂有祖風以蔭補南安司戶辟祁陽尉祁陽大治辟湖南安撫使幕官時盜起永州招之歲餘不下芾提兵千三百人擒之餘黨遂平攝湘潭縣縣多豪族芾不避貴勢賦役大均入朝差知德清縣屬浙西饑芾所活數

萬計咸淳元年入知臨安府賈似道誣以賊罪
罷之元兵取鄂始起爲湖南提刑未幾似道兵
潰蕪湖乃復芾官知潭州兼湖南安撫元兵既
下江陵以大兵攻潭芾舉家死之贈端明殿學
士謚忠節

陳億孫字一之安仁人咸淳進士除湖南安撫
司參議與李芾同死潭州之難

張鏜衡山人僕射浚之後益王卽位於福州詔
天下勤王鏜起兵衡州移檄安化諸僚得民兵
數千文天祥督兵梅嶺相與接應既而兵敗被

衡州府志

卷之二十四

人物忠義

三

執元參政崔斌欲降之鏜罵曰今日降何以見
我祖魏公於地下斌命述起兵始末鏜奮筆斥
罵千百言斌怒殺之

趙璠衡山人登進士第與其叔父漂起兵勤王
應文天祥受軍器監後兵潰不知所終

元

黃明高衡山人任宣議大夫以直諫去官

段清遠鄱縣人有勇力元季兵亂民不自保清
遠與其弟新遠率邑人團練以爲保障邑境以
安至正丙午隨袁州畢指揮征勦溪洞所至有

功後沒於陣于杰以功授海州百戶

明

管嗣裘字治仲衡陽人父大成以鄉舉官福州通判奉檄解餉六十萬至涿州遇警冒險星馳抵都門時敵兵壓城下餉正匱既得入城六軍皆懽忻奉旨特擢臺省會病自免歸嗣裘少超佚既舉於鄉會獻賊陷衡州芒屨宵行匿安仁山中獻忠購索甚急兄嗣箕被執見賊佯以死報乃免丁亥間關嶺外流寓梧平間粵西既定隱居桂林之靈谿洞方冬衣敗絮誅茆爲蝸廬

衡州府志

卷之二十四

人物忠義

三

與猺獠雜處食屢缺猺民義而餉之得不死與西安劉湘客仁和金墅廣平成昌時輩披草悲吟相爲唱和已而轉入永安州不知所終謝如珂耒陽人爲諸生篤志嗜學獻賊陷衡州如珂集鄉勇拒戰死之

廖應亨字利涉耒陽人崇正庚午舉人篤氣誼好談經濟癸未獻寇蹂躪應亨挈家奔東粵時孝廉鄒統魯棄家至相抱泣曰如爾尊人何萬一不測予必爲子胥矣抵瀧上孝廉彭岱齡亦至應亨撫掌曰事濟矣至粵鄒上書乞師又作

檄請粵督符判各令蒼頭密持歸感激郡邑諸
義士粵督沈猶龍遣總兵宋紀先攻臨武別遣
將授應亨與統魯岱齡出宜郴間時楚部楊國
棟湯執中騎卒二千依粵督以自贖驍而少節
粵師忌之應亨獨領出耒陽以糧匱譁應亨咄
嗟立辦兩將亦心折之飭師如律事平授中書
舍人尋授御史甲申三月十九變聞痛哭不已
狂憤出走子權纔九齡力挽之不得尋卒於蒼
梧

羅宓明鄱縣人邑罹流寇劫掠宓明結寨保障

全活甚衆

鄒承芬字蘭如鄱縣籍衡陽人張獻忠蹂湖南
大索孝廉官之預勅次子孝廉統魯曰此關若
大節百口直小計耳若所讀何書舍此日將安
用也袁閔土室黃巾不入若勿爲我憂巾包胥
秦庭七日事若力勉之密趣子就道乞師獻寇
索之急僞以死狀聞得免統魯果叅粵軍導粵
總兵宋紀出楚疆郴衡十餘屬悉平粵督沈公
猶龍聞其賢召而禮之因卒於粵

黃充字雨華其先從江右徙衡陽遂著籍焉充

篤於內行負軼才試輒冠軍數困棘闡以歲薦授江西寧州司訓賢聲大著再補襄陽學諭值闖寇攻城充率多士登陴卻之督撫謀以異等擢充見時事益棘掛冠歸

蕭銘衡陽人成化間官西川寇至蓬州大埧銘逐之力戰而死

本朝

孟才鄱縣人勇力過人會萬洋山藍賊嘯聚爲亂遣南贛軍門勦之賊走漿溪才率其族百餘人堵截生擒賊首以獻賊黨復至才力戰死自

衡州府志

卷之二十四

人物忠義

三

是賊不敢犯鄱境事聞

賜有義一匾額立廟祀之至今士人祈禱立應

孝友

五代唐

譚進頗鄱縣人具文武才馬殷召爲左殿大將軍殷死子希範立進頗父死母病乞治喪不許遂歸希範怒自將兵討之進頗不爲備曰生以忠死以孝吾何憾焉乃嚙指血寫書自陳無叛意書畢而刎

宋

趙岬衡山人親喪廬墓甘露降墓木上

明

衡州府志

卷之二十四

人物孝友

三

謝海字文淵安仁人童時父爲徭賊所掠海每念其父輒泣血成化中成進士親詣苗界贖父知父已沒乃想像刻木針取指血漬之歸葬廬墓三年誓不祿仕母強之始授惠州通判苗賊叛平之

吳忠富號裕庵幼讀書涉獵子史事親孝父病侍湯藥衣不解帶者月餘父沒悉以財產付二弟惟以方藥療人遨遊七十二峰間

汪世瑤衡山人弟世玘母之愛子也一日摔人於地其人適死有仇家誣世瑤毆殺人世瑤不

自理竟誣伏及憲司得其情知爲世玷所傷而
世瑤恐傷母心故不辨憲司憐其志從末減
陳廷佩安仁人字汝玉蚤孤母孀居廷佩竭力
事親任神武左衛經歷乞歸養母母卒朝夕拜
泣遂喪明

譚楚日鄆縣人生一歲而孤性至孝母疾篤焚
香告天割股以進母旋愈知縣陳我養旌之
潘體鄆縣人母病求肉遂割股以進病良已
唐公序安仁人補弟子員事繼母以孝萬歷間
給冠帶

衡州府志

卷之二十四

人物孝友

書

歐陽志安仁人親喪泣血三年不入房室率族
人行喪葬古禮

王仕達衡陽人事父母至孝親喪廬墓三年哀
毀骨立後任山西陵川知縣

王世忠字國愛衡陽人事繼母篤孝病侍湯藥
願以身代

曾宗卷安仁人事母以孝聞

周文炳衡山人父娶陳氏無子側室生文炳少
孤氏守節教文炳爲諸生舌耕養母寇犯境負
母逃山中乞食以養及被掠以死救母寇強授

僞職不受寇怒戮其愛子終不屈

江朝翰衡陽人七世同居與弟朝休皆至孝母黃氏疾凡四割股母壽八十七乃終里中父老欲聞於當路朝翰力辭士論益高之

甯允伯衡陽人以鄉貢任臨川教諭母王疾亟允伯割臂肉和藥以進母尋愈

甯惟成衡陽人母廖邁疾瀕危割左臂肉和膳以進母病獲痊郡守劉春表其閭後以鄉貢授長沙教諭年九十終

王叅之朝聘仲子先朝聘沒性至孝母嘗病日

衡州府志

卷之二十四

人物孝友

三

暎熱叅之跪榻下手承目眇率至夜分母患心疾扶掖宛轉兼旬達曙者數年癸未流寇陷衡值歲饑侍親避亂南鄉時米貴道塞合家數百指日食二糜飲以濟叅之持薄粥泣曰此豈老人食者勸父強餅不許因絕勺水竟日父感之乃一加餐其誠篤如此

周祉鄱縣籍衡陽人父希堯能詩工畫蚤卒祉爲腹子以孝友著由歲貢任常寧訓導

倪常吉字子常衡陽人性至孝值亂負二親隱山中歲饑盜攫於途常吉偕弟兆吉變服雜傭

中重繭百里負米歸鄉閭咸稱之

伍星章字子壽衡陽人歲饑負米養親居父喪三年不言笑人稱伍孝子

陳鶚號梅峰安仁人住羅田令性至孝鄉評重之

曠時陞衡山縣人補弟子員二子鑿鑿俱早慧總角成諸生獻賦掠衡被執不屈賊怒甚將加害鑿願以身代父鑿願以身代兄賊亟殺之劉經文字玉函衡陽人七歲失恃每念及泣不欲生事繼母傅無異所生侍膳嘗藥不少懈

衡州府志

卷之二十四

人物孝友

三十六

畢應達衡陽人母感心疾應達默禱願以身代因割股煮糜進之母病頓起崇正間舉孝子予冠帶旌其門嘗舟過洞庭遇風他舟多覆溺應達望檣上有光如燭得抵岸云

賀季甫耒陽人母病劇侍醫藥夜不假寐呼籲無術遂割股進之母病旋瘳邑令李日新旌其門

歐陽元號關西安仁人授江南魏縣丞性至孝事繼母尤盡色養鄉黨稱之

吳源耒陽人邑明經事母以孝稱官雲南宦囊

一無所有葬母不遺於禮邑人稱之

蔡甫號蛟池安仁人任南城縣丞因念母老棄官歸養妻卒不復娶時重其孝義

吳邦卿常寧人父喪廬墓妻死終身不再娶捐田助學以孝義聞

阮以頤字貞吉常寧人少孤母胡氏撫之成立崇正末寇起母卧疾不能起頤侍母側以死衛之頤死於寇而母得全

本朝

譚振萃鄱縣人庠生值大疫母沒時流寇未靖

衡州府志

卷之二十四

人物孝友

三七

棺不得具振萃號慟三日卒

羅應元鄱縣人力學篤行孝父母以孝母譚氏患目經離亂必親負以出雖艱險備至而晨夕侍奉不敢少懈後避兵萬山中乏藥調劑常以舌吮其目得痊

詹承祉初爲錢塘人父應霖客衡遂家焉順治戊子避兵東鄉父病劇藥餌不效承祉割左股和藥以進遂愈母疾篤復割右股進之母亦痊妻仇氏事舅姑並以孝聞

王道美耒陽人事親孝父病篤焚香拜禱割股

以進病尋愈邑令旌曰孝子之門

陳仲德耒陽人父病侍湯藥不離卧榻及病篤飲泣割股肉以進沈疴頓起邑令李文煇旌其門

伍文迴字君常耒陽人母楊氏病篤醫藥罔效割股和藥進之病果愈

丁懷德衡山人性沈毅喜施與事親極孝雖貧時其旨弗缺父沒廬墓三年母老飲食起居湯藥皆身親不以委家人五世同居無間言仲弟早世撫其孤尤厚病革呼家人泣曰吾不能終

衡州府志

卷之二十四

人物孝友

三

養老母雖死目不瞑其勿殮於中堂以彰不孝之罪聞者惻然

陳國寶常寧人以孝聞當事旌其門

崔道常寧人七歲失怙事母孝舉鄉飲賓

胡昌侯衡山人父病割股和羹祈以身代母沒廬墓山中晨夕悲泣

羅琥衡山人少孤事母董色養無違經四十年如一日歲饑出粟以賑貧乏族有兄弟自鬻者歲久蕃衍合男女九人琥代償其直遂得歸邑令高其義屢舉鄉飲辭不赴

周開勲衡山人郡庠生父沒廬於墓母病闔牖必親滌及母沒哀毀骨立以孝行旌

曠士翌字日章衡山諸生孝於親定省其末也百思順其親父楨早逝時丁逆藩變差賦重遺產無存乃教授生徒資館穀養母母最憐季季沒撫其子逾所生內行之篤族黨欽之研窮經籍因文見道而教人教子尤以小學性理爲進學之基優經濟而口不言扶危拯厄稱力覃心受者至鏤心骨常深自葆晦學使黎公致遠作輓詩云勲勞嫌己出善事畏人知其行善於陰

衡州府志

卷之二十四

人物孝友

三九

大都如此勤於教子館於外必攜以從諸子皆未就外傳敏本敦本皆成進士能遵其教

劉盛唐衡山人父自順母張氏以孝行並旌盛唐亦以孝稱父母沒哀毀骨立兩兄早逝撫諸姪如己子嘗建祠捐祭田歲饑捐粟倡賑

胡其廉字介士衡山人庠生生七月喪母八歲喪父悲號如成人及長慟怙恃早亡感泣欲絕乃補行喪禮苦守制者三年建專祠刻主以祀朝夕定省如生前乾隆八年以孝行旌

劉自順衡山農人也力田事親親病湯藥必親

嘗禱於天願以身代及沒廬墓三年其妻張氏
事姑亦以孝聞

華明弼字調元衡陽人補諸生獻賊陷衡弼奉
父避山中遇一虎咆哮以身蔽父不避艱險後
家落竭力奉母母病侍藥餌不離榻族黨咸稱
其孝

劉明作衡陽人性孝祖病篤割股以進病尋瘳
後父疾亦割獲效父亡母衰困明作扶掖出戶
庭令小兒孫舞蹈取懽居喪盡哀盡禮鄉人稱
之

衡州府志

卷之二十四

人物孝友

罕

胡大任字二丑衡陽人庠生弱冠丁父喪哀毀
如禮事嫡母如所生母疾篤值亂函諸殮具獮
卒欲攫之大任椎心泣血羣兇感而散去獲殯
葬如禮

徐立相字宇九衡陽人庠生少失恃事繼母賀
孝謹母病癰藥餌櫛沐溲溺必躬親數年不懈
母亡哀毀廬墓人爲感泣

陽信垣字映薇衡陽人歲貢年十四母羅沒父
命以繼母禮事庶母鄧垣妻廖以小故違鄧垣
立出之鄧意釋始迎廖歸父有藏金垣掘地得

之其僕欲勿言垣不聽悉以分其第

王朝遴字君弼衡陽人事親孝父邁痰疾遴寢不解帶者三月至割股以進父疾愈紳士欲爲請旌遴力辭

周士偁字美儒衡陽人拔貢生士儀士儼同懷第家故有富名兵亂避鄱邑偁與兄儼俱被執無所得賊怒將刃儼偁前泣請以身代賊刺其頸血濺衣及履後赴京授縣尹衙吳逆踞衡南北路梗偁以母顏家居心悸間道馳歸遂依膝下絕意仕進孫命育雍正丁未進士

衡州府志

卷之二十四

人物孝友

聖

王法寧衡陽人母陳氏病目幾喪明醫者曰非人肉汁和藥薰之不可法寧禱於神潛割左乳下片肉蒸湯以進母不知也薰之良久漸能開視再四薰之加以調攝目全明享年八十有四法寧七十有五卒母子俱獲高年人以爲孝感所致云

鄒峴生字與傳清泉人歲貢授石門訓導性孝友侍父居山谷跬步不離嘗應試一夕忽念母心動次日晝夜行百餘里歸母果寢疾在床鐸石門有伯姪訟者姪故石悍士逮訊令姪拜伯

堂下其人感泣

鄒致祥字緒昌清泉人邑學生父病割臂肉煮糜以進父尋愈

唐大智字若庸清泉人父病篤割左臂血和藥以進父得愈又母病思梨大智夜往虎岩取梨不避險難居親喪三年哭無休

康鎮衡山人事父得其懽心母廖早逝事繼母如所自出兄乏嗣鎮爲置妾

趙履巨衡山人父沒哀毀廬墓母病瘋履巨館近村朝往暮歸翁履臣家患疫鄰居皆遠竄履

衡州府志

卷之二十四

人物孝友

三

巨親理湯藥弟家得無恙

胡宗淮衡山庠生父病殆宗淮持齋祈父壽母卒廬墓兄沒姪尚幼教育之不啻己出

陳之梅衡山人年十二居父喪如成人母沒與弟克安自新廬墓三年

李榮旦衡山人事親盡子職居喪未嘗見齒

江明德清泉人年十三父病明德禱神願以身代父獲瘳娶楊氏事舅姑亦謹每堂上怒明德偕楊輒長跪不敢起楊沒明德年二十九感其孝謹遂終身不復娶

沈佑字天眷清泉人年十三母病割股和羹以進母獲痊

周歷遠字星元清泉人幼孤事兄士儀士儼甚謹鞠於次兄嫂歐陽由拔貢教習考授州同知治兩兄喪哀痛不見齒敬事嫂歐陽至老無異張榮仁清泉人歲貢生孝友淳篤出於天性父大緒以族子命案拘繫刑獄縣具讞於府榮仁不忍其父罪哀告乞以身代知府孔興茲憐其誠懇遂改以榮仁名易大緒由憲司上之巡撫時巡撫趙申喬勘鞠得其情且知榮仁代父罪

立爲昭雪語榮仁曰汝因父屈汝固不屈也汝真忠厚秀才哉嗟歎不已因能出其父罪

陳廷樛耒陽人天性孝友與兄若弟嘗書財貨易得兄弟難求之句於壁人咸以孝友稱之資良相耒陽人事親以孝聞筆耕所入盡以供菽水之歡不以之煩兄若弟所最難者親沒時恐以儉親遺恨獨出所有殮葬極力而止一時族里無不感化

謝開元字元士耒陽人讀書攻苦食餼事後母最孝時父遠出母病篤元寢食俱廢痛哭祈天

母賴以痊士類稱之

謝宗禛字永年耒陽庠生事親能色養鄉里咸稱其孝友愛二弟親教之治家事五十年始與二弟分析一箸無所私

李際盛字勉曾耒陽庠生事親孝定省無間故其父命名勉曾欲其勉爲曾子也

謝泰生耒陽庠生母有瘋疾與弟岳生奉湯藥數十年如一日家事一身任之不煩諸弟怡怡自如孝友無間

衡州府志 卷之二十四 人物孝友 譚志昌鄱縣人事親以孝聞母劉氏早世哀毀盡禮居則奉七箸上食出則捧像與俱孺慕父母始終不替

蕭恕中字其行衡陽庠生八歲失怙惟母是依母歿廬墓十有一載卒於墓所

政治

六朝陳

鄧正直衡陽人永定初刺史歐陽頎知其賢辟
爲盧陽令罷征弭盜修城興學人皆稱之

宋

曹裕耒陽人進士爲潭州司錄參軍能辨枉獄
後宰溧水值歲旱蝗漕使以歲計不足諷諸邑
裕曰吾能忍視其死而不救乎卒以實聞

曹洪裕子也舉進士爲永興令邑小民貧土供
匱乏洪歎曰吾自歷縣未嘗橫斂豈以暮年倒

衡州府志

卷之二十四 人物政治

墨

行逆施乎遂棄官歸

趙世德衡山人宣和閒進士攝本邑事時邑遭
兵燬移治上封賊曹成大掠脅世德斂民金帛
世德不從被執以死自誓百姓相率以金帛贖
還後移官廣西機宜

曹進之耒陽人嘉泰初爲廣昌令旣視事金芝
產廨中嘉禾生於野人以為德化之所感

趙錫衡陽人知吉水縣簡靜慈祥民稱爲趙佛
子歸道茶陵值寇被執有識者曰此佛子也送
之出境

元

曾圭衡山人世業儒爲零陵縣尉慕顏真卿元
次山風節文采命其子堯臣捐家貲建浯溪書
院祀之又割私田三百餘畝以廩學者

馬庸字坦道安仁人舉明經累官四川廉訪使
勞績有聲

明

朱思通衡陽人宣德閒知四川長寧縣廉介有
惠政邑人懷之

譚有德安仁人洪武中貢入胄監知莒州蒞事
精敏遷知揚州府轉廬州擢四川按察使刑獄
詳慎廉介有聲

衡州府志

卷之二十四 人物政治

吳

譚珂安仁人由鄉薦通判思明府改順德以廉
幹稱嘗督納真保等六郡草價銀十萬三千兩
抵大同羨五千餘籍其數送行臺充明年草價
擢鎮江府同知

劉紹先衡山人洪武甲戌貢入胄監令休寧勤
於政事賦役均平知宿州擢刑部員外郎歸耕
衡山之下有驛使問其家紹先適操耜在田閒
親指示之已乃具衣冠出揖驛使驚謝

謝必賢耒陽人永樂閒由鄉舉知雒容縣平寇
寇再除寶坻遷江都皆有政績歷德慶無爲二
州旣去士民咸思之

谷庸耒陽人爲河南登封令清簡居心惠慈馭
衆時邑民席守中有姪被虎噬庸齋沐投疏中
獄祠不旬日虎自殺守中井內死一時黎庶交
頌神君

李宏志安仁人正統中貢入太學爲四川戎縣
令邊境畔亂宏志練兵設備率衆拒守伺閒出
勦擒其渠帥撫諭餘黨諸部咸帖服詔褒之

衡州府志

卷之二十四 人物政治

七

王詳字伯論號後峰衡陽人少積學正統甲子
與兄諫同領鄉薦屢舉進士不第爲京兆大興
尹治尚寬簡卒於官

王諫字伯忠號蓋齋衡陽人幼穎慧篤學慎修
以詩翰馳聲中正統甲子鄉試天順初知趙州
丁外艱服闋知邠州輸邊裕民績聞於朝詔旨
褒嘉尋丁內艱起補知武定州治績益懋擢守
廣南成化閒疏乞歸年八十三

王誥字伯諭衡陽人少負奇氣文學爲時推重
舉天順己卯鄉試令什加風裁凜然令行禁止

蜀人悅服

王恩字廷寵詔之子少負雋才以廕補詹事府主簿歷官順天府治中謙勤清約有父風

鄒海正統中選貢成化初授天長知縣有循聲天長人立祠祀之及歸聞羅一峰歸永豐納屨從之遊一峰與語甚奇之築室郡東講學以老歐陽涵字養性安仁人成化舉人知儀徵縣以清節著歲旱祈禱澍雨三日

黃瓊字良玉安仁人成化中知葭城縣淳沱河溢幾沒城瓊登城祭禱水立退灤城高陽二縣

衡州府志

卷之二十四 人物政治

哭

民饑將爲亂瓊白郡守發廩往賑民乃定以剛直忤上官遂投劾歸家居三十年壽八十二卒貧無以殮妻子至不能自給

謝鏞字仲和安仁人由鄉舉任廣西橫州學正模範端嚴多士仰之

謝思木耒陽人父誼嘗爲豪強誣禁思木甫髫齡挺身質辨事得解由鄉舉知龍巖縣清操白持賢聲懋著

鄧先安仁人字元善由舉人授河南羅山知縣多惠政鯁介剛方有部使者挾勢肆呵叱先不

爲屈棄官歸

陳詔安仁人成化開以明經授桐鄉丞民病疫俗尙禱祀詔力禁之捐俸購醫藥民賴以生擢河南鹿邑有糧長侵盜詔按得其情糧長暮夜投重金祈免詔並發之正其罪

吳維紀弟也成化辛卯魁於鄉授靖安知縣潔清不撓有富僧不法藏婦寺中維廉之立捕首惡斃杖下僧以重貲求顯者書至無及矣後竟爲顯者所銜罷歸

賀讓衡山人知瀘州有廉名涖事平恕陞思州

衡州府志

卷之二十四

人物政治

五

知府去瀘之日瀘人攀號滿路爲立仁政坊守思尤多惠政民羹俱安致政歸行李蕭然思人立祠祀之

陳翔字一鳳鄱縣人由歲薦入南雍登成化癸卯賢書授翰林院博士遷貴州普安州守州治苗民雜處守涖任例有饋遺且多求索翔下車力却之苗民歡服故人有孤女無所依翔撫而厚匱以遺之家居時羣賊倉卒行劫見曝書於庭卷帙充盈其渠隨檢善惡篇翻閱相與感歎而去

侯爵字仁恩安仁人以貢授廣東感恩知縣涖
治嚴明以德望著

歐陽選字汝魁正德甲戌進士初任望江縣當
孔道愛養貧民節省徭役改四川筠連振興學
校親爲諸生授經歲餘自免歸

甯鎬字鐵山欽弟也少窮約服牛而耕牛劣涔
水汙衣襟鎬奮然曰大丈夫安可與老農伍執
牛鼻剝去之始從學於欽時年二十三矣逾年
補弟子員遂領正德己卯鄉薦通判處州性剛
介不畏強禦有骫法者里役苦之不敢問鎬逮

衡州府志

卷之二十四

人物政治

辛

之肺石一時豪皆懼服

李仁濬安仁人正德甲子舉人令永寧以廉惠
稱

李仁沄濬之弟宏治丁卯舉人授溫州推官凜
清操會歲歉盜起仁沄請發廩賑救民得生而
盜亦息

甯元伯字仁甫衡陽人以鄉薦爲磁州學正深
於易諸生爭受業其門率人以身士風丕振轉
西充知縣晉肇慶府通判增築蓮塘隄民思其
惠稱甯公隄尋晉潞南州知州遂投牒不復之

任

余守觀字尚賓衡陽人初令鉅埜時流賊殘破城邑蕭然守觀至安定完葺始復其舊址聽斷廉察稱爲神明以治行異等拜給事中有直聲因病乞假卒於家

劉宦字士晉號敬庵衡陽人由進士令莆田性崖峻絕請謁軫念民艱歲饑以俸代逋者輸民德之紀石於莆晉武選主事卒於京邸

劉泰字景魯鄱縣人幼穎異年十一補弟子員貢太學授嘉善丞慈祥豈弟愛民如子嘉靖丁

衡州府志

卷之二十四

人物政治

五

亥奉檄督輸嘉興等郡上供銀十餘萬例得餘金數百泰却之請充明年銀數有旨旌之以愛歸再補合肥丞合肥當孔道城東三十里爲鎮民居輻輳往往爲鹽徒所魚肉泰請城之設社學興文教民感其德立祠祀之後以剛直忤司理遂拂衣去會擢東阿知縣不赴歸與鄉之後進講業論文多所造就力行節儉而恤孤賑貧如恐弗及

蔣福陵字伯固衡陽人初任鄞縣政尚豈弟催科不擾轉太僕寺丞擢杭州知府爲政公廉寬

裕始終一節卒於官

曠師孔字魯源衡山人由拔貢任許州牧以清廉慈惠擢大名推官未任而卒許人爲勒石紀思師孔方肄業三廡時倡諸同志以理學相切劘曾文恪公朝節特敬禮焉師孔之卒朝節哭之慟爲撰墓表

周訓字惺愚耒陽人萬歷癸卯舉於鄉庚戌成進士授粵東高要令會歲歉力請於上發公廩賑之全活甚衆值憂歸起補唐縣令唐民輸賦苦耗重悉蠲除之俗健訟睚眦輒輸金矢訓諭

衡州府志

卷之二十四 人物政治

五

令罷息寬其醵贖自是案無煩牘民有爲勢族誣陷者獄已具訓廉得其情申請矜釋歷陟秋曹郎每遇疑獄多所平反奉命恤刑廣東未及陞辭而卒

張述齡號九鶴衡陽人以恩選廷試第一授廣東龍門知縣撫香山澳寇有功調繁吳川涖任五月以艱去任補北直青縣知縣行取留部陞山西渾源知州北嶽原祀曲陽屢年遙祭述齡請復北嶽祀典仍祀洋源等陟太同東路同知改授廣西鹽運同知乞致仕終

李敷秀鄞縣人萬歷三十九年由德興訓導陞
本庠教諭學究墳典而善於誘掖多士皆如坐
春風中

譚光哲鄞縣人由歲薦爲台州司訓陞永州永
明縣教諭師範端嚴爲衷於正設課程以董士
有蘇湖風

歐陽復字孟元衡陽人少聰穎負大志博涉書
史知武康縣以能稱時境內有虎患復禱於神
日獵五虎民患以除徵拜監察御史以憂歸卒
於家

衡州府志

卷之二十四

人物政治

七

劉紳衡陽人性質樸宰廬江縣以廉勤自効在
任九年民懷其德陞南京工部主事卒於官妻
子貧約如故

易綱字正道衡陽人任武康知縣持身廉潔涖
政寬和民愛之如父母乞休歸

王昊字汝欽衡陽人初任桐鄉知縣徵拜監察
御史擢雲南副使所至持正不阿敢忤權勢入
賀經衡卒於家

羅昌字文盛衡陽人以貢授瓊州定安知縣廉
勤公恕深得民心

譚宗廩號五和鄆縣人崇正庚辰司訓邵陽癸未獻賊陷邵郡僞吏遺書招之遂如武攸與諸鎮攻復郡城撫部上其績遷教諭未幾乞歸
廖司南字湘毓耒陽人性純孝少領鄉薦不事營求每下第歸惟杜門讀書課子三十年罔教
迨子應亨庚午登賢書司南始授四川仁壽令至之日廉潔自持釐弊剔奸邑俗多溺女司南禁之有犯者詣庭曰困乏至此隨出俸錢給之
民感其義不忍溺全活無算尋以疾卒檢囊僅俸八金士民悲之泣而弔者七日

衡州府志

卷之二十四 人物政治

五

華阜春字伯生衡陽人由歲貢判崇慶州晉桐栢知縣殫心撫字暇則與諸生論文章亶亶忘倦年逾八十

祝完字伯固衡陽人膺鄉薦授大理府推官有廉聲遷寧波府通判督賦不擾晉知徐州
文簡字伯敬衡陽人舉人知漢陰縣以清白稱
丁內艱歸再補雲陰令志操愈勵調江寧知縣疾作遂乞歸

張友舜字子孝衡陽人歲貢授華亭訓導轉廣西武宣知縣平易近民民親愛之擢四川道監

察御史晉廣東按察司僉事

侯光啟號翼聖安仁人由歲貢授茶陵教諭居官清慎所得俸餘購書自娛

段晉錫字知白常寧人博學食餼入南雍繼釋躋通籍潔己愛民所在多惠政有古循良風

袁信宜號少喞安仁人由平南知縣陞潯州府通判不苟取與歷任十年政績有聲

陳廷楠號石洲安仁人授江西都昌主簿以清慎自勗扁其堂曰濟美

王鑾字時和衡陽人歲貢授湯溪訓導敦崇德行士則之擢儀徵教諭時獻皇后梓宮經儀徵

鑾攝令事辦理無擾

歐世祿字汝修衡陽人舉人授河南新野知縣晉四川簡州知州一日懷故里遂投牒歸士論

高之

歐陽皞字文明安仁人有術者言其母年不永皞悲泣每朔望齋戒焚香籲天願減己算以益母壽母年至八十五卒皞以貢授廣西恭城令清正有聲

周善雋字廷傑安仁舉人任江西南昌府推官

克承家博綜羣書爲政多所平反

李旭字時升安仁舉人任嘉定學正躬身率士
訓迪不倦

本朝

蔣亨字一如耒陽人順治十六年以歲薦授江
南靈璧縣丞數月調補廣東保昌康熙五年擢
廣東鎮平令甫下車禁戢豪強境內肅然歲餘
卒於任百姓哭祭塞道保昌鎮平皆勒碑志不
忘

唐崇勳衡山人康熙辛酉舉人知靖安縣歲饑

衡州府志

卷之二十四 人物政治

三

不待報發廩賑民有盜殺寺僧劫其資遺一扇
與寺中舊傭工名字同遂捕繫之獄已具崇勳
廉其枉釋之後獲盜於鄰界則遺扇人姓字也
一縣稱神官至戶部員外郎

廖聯翼清泉人順治十六年進士知孟津縣到
官卽廉得奸宄伏法縣人畏服值旱蝗捐俸賑
饑全活甚衆擢內閣中書舍人

唐傳銚字人岸清泉人幼聰穎家貧勵志讀書
成進士任浙江樂清知縣盡革舊規痛絕餽遺
修城浚河建王梅溪書院歷任四載官舍蕭然

家產依然數畝以勞苦卒於官爲人伉爽有氣能任事上官深器重之其沒也咸惜之

譚尚箴字克非衡山人康熙甲戌進士授雞澤知縣悉革諸弊與民休息一無所擾五年內擢授吏部郎典試浙江加意搜羅所拔多知名士箴在銓部久知胥役弊竇勾稽盡致奸無所容安溪李冢宰甚器之

周廣綸字如絲衡山人以例貢授瀘溪訓導瀘地瘠民貧且密運苗徭學宮皆卑圯弗治綸至改學宮勤月課士皆蒸然向化三署縣篆除不

衡州府志

卷之二十四 人物政治

七

便民者二十餘條攝鎮溪學事一洗舊習斥絕陋規亦如在瀘時蒞任凡七年以母老乞養歸士子送之至有泣下沾襟者

華士捷字亦三衡陽人康熙癸酉舉人知廣平縣縣患漳水到任日公私廬舍爲墟人民逃散士捷草規耗招流亡開濬河渠民居用莫連攝邯鄲雞澤曲周諸縣所至興利除害士民感之歷任十七年卒於官年七十三

海鳳翥號石亭衡陽人康熙甲戌進士任直隸龍門知縣縣舊多私派鳳翥下車卽勒石永禁

縣治當夏秋暴雨城爲壩水所衝多傾圮鳳翥捐俸購石建壩引水東流城賴以固愛作興士類於邑之南巖捐貲課藝士咸奮起蒞事六年以父喪謝任適邑之南山堡焦家溝等處雹災逋賦鳳翥概爲賠墊臨行又製勸民歌刊示各村堡服闋補浙江錢~~塘~~令附郭繁劇值歲饑鳳翥設法賑濟化爭奪懲略販凡四閱月以憂勤致疾歸篋笥蕭然如寒士尋卒

鄒世任字泰冲清泉人康熙甲戌進士任陝西真寧知縣累官稽勲司郎中居官清儉如寒士

衡州府志

卷之二十四

人物政治

五

階曹郎家道益落操益厲其宰真寧也除雜徭革陋規抑強均課設義塾講貫多所成就去之日老幼攀轅如失父母丁酉北關鄉試戊戌會試皆與分校稱得士

康仁德字逢元衡山人康熙丙子登賢書任福建永定知縣邑當漳潮之衝夫役繁多民甚苦之灣坳多伏匿劫掠仁德至杖斃兩賊首奸黨股栗力請於上司捐夫役費及丁糧雜項復倡設義學簿書稍暇進諸生講學論文有盧生者以非罪入獄鄰邑郭生以府試黜仁德廉其屈

請釋之兩生皆同捷士民建生祠祀之

鄒肇杲字日永清泉人父廷樞附貢生好施與多所義舉肇杲由廩生任潼川府判職司鹽捕屏陋規平斗衡卓異奉委金川理塘糧務以勞卒官

廖興鎮字南重清泉人父琮字錦先庠生吳逆之變琮父鵬翼爲將弁械繫琮以身護之弁怒擊之流血興鎮中康熙丁酉舉人授長樂令縣有海船陋規歲獲數千金屏弗受繼任廣東英德三水二縣三水地當衝衢往來差使如織向係蛋船應役興鎮申詳豁免捐貲僱船應付致仕時惟餘書數車而已咸稱廉潔

丁元正字少微清泉人年二十父歿幼弟五人皆自督課至成立雍正己酉以選拔分發江南歷任如臯等凡六縣如臯沙田灘漲多爭訟元正丈量設魚鱗冊猾吏有改竄悉置之法辦宿遷等縣災賑及上海海塘工程稱善如臯許忠愍陳宗肅諸祠新陽歸太僕墓樊公祠吳江愛遺亭鳴鶴塔三忠三賢等祠黎川盛川學舍及維斗楊先生殉節處皆捐俸建修前令葉某徐

某卒於任所先後入棺數十年未厝元正捐貲
禮葬之所至作育人材出其門者多知名士所
著有楚詞集註二十卷退思錄十二卷行於世
左修品字遜五衡陽人任羅山令歲饑捐賑全
活甚衆調安陽上憲廉其才委任通省總捕發
奸摘伏盜賊寢息丁憂服闋補雩都令剖決如
流案無留牘適水漲人民流散割俸招集民忘
其災先是邑人喪葬習尚奢靡有停柩數十年
而不葬者品範之以禮諭之以情由是邑無淹
柩又修文廟建義學刊袁文定遺集士氣丕振

去任之日士民謳思

勲勞

按武攝勲勞功在社稷應入人物志內以垂不朽迺郡縣舊志概不錄載以致世遠年湮莫可稽考今就各邑志之已載者錄入惜遺漏爲多耳姑俟採訪補叙

晉

李義鄱縣人有勇力大寧中盜起荆襄遣將略地至茶陵義傾家貲市兵器率鄉民追擊大破之境賴以安時荊州牧陶侃屯兵長沙聞義勇毅召至麾下分兵使擊賊力戰有功事平賚予甚優今康樂鄉故址猶存歲時民皆祀之名其地曰大尉冲

宋

韓京字世京安仁人膂力過人長於謀略紹興閒仗義勤王累立戰功官忠亮大夫

元

譚富鄱縣人至正閒募兵勦賊富應募累敗各賊搃其巢穴克復茶攸封萬戶侯

本朝

劉用楚字三湘常寧人隨征粵西以功授平樂

副將

劉用亮字三顧常寧人任直隸昌平鎮邊路都司隨征毛麓獲勝擢漢中協鎮

劉選勝用楚子也順治六年投甘肅平羌鎮標右營遊擊統衆進取雲貴累功擢陝西甘肅叅將恢復衛城攻蘭州擒其僞將旋復河州靖遠東山鞏昌等處經數十餘戰

召見賜賚甚厚累遷總兵陞福建提督未任而卒

衡州府志

卷之二十四 人物 勲勞

三



衡州府志卷之二十四

知衡州府事豐城饒佺



人物下

儒林

唐

李寬衡陽人元和中勅石鼓書院以為讀書之所刺史呂溫有題尋真觀李秀才書院詩

宋

趙棠衡山人少從胡宏學慷慨有大志嘗見張浚於督府浚雅敬其才欲以右選官之棠不為

衡州府志

卷之二十四

人物儒林

一

屈累以策言兵事浚奇之命子棫與棠交

廖侯字季碩衡山人淳熙間朱子出監南嶽侯與族弟謙共遊其門

廖謙字益仲衡陽人從朱子講學於南嶽朱子教以打破舉子程文應用詩文之厄理會學問謙毅然承之

侯宣衡山人少遊四方好與名士交還家築室一區俾遊學者往來館焉時湖南道學最盛遊學之士踵至如歸宣館廼之二十餘年不倦近稱為松林處士

李士真衡陽人至道中會境內儒流講學於石鼓書院重加修建上聞賜額

秦噩安仁人字公肅深明理學學者尊爲南澗先生

龔蓋卿字夢錫常寧人以明經擢第從朱子明義理之學爲右正言以直事君朱子池州語錄蓋卿所纂也

王居仁常寧人與龔蓋卿同時執經張栻之門造詣良深既登進士遂隱居不仕自號習隱

元

衡州府志

卷之二十四

人物儒林

二

劉彰壽字壽翁衡山人幼穎悟弱冠負才雋辟衡山縣教諭樂衡山士習之美遂留居焉嗣登第賜同進士出身歷官淳安縣尹代還踰年卒將屬纊語門人劉延雋曰生順死安無遺憾也第老母不得終養孫圭幼未之學子教之而成吾受子賜言訖乃瞑葬衡山先塋之原所著有四書提要春秋擇存諸書在淳安時幅巾深衣每月初吉陞坐講書士風丕振
尹起莘鄱縣人性樂間適不慕榮利以讀書談道自怡至元間以孝行聞時宰舉領學事先是

學在治西莘乃徙於治東

蕭元益字楚材安仁人舉鄉薦升太學好學博
古文辭疏暢嘗著四書演義編洙泗大成集

明

廖思敬衡陽人洪武間以明經舉在本府儒學
訓導轉常州府學教授永樂詔修性理大全書
思敬與焉

杜文德衡陽人洪武三年以明經舉任本府儒
學訓導時知府高從訓建學校拓地基皆文德
爲之贊翊

衡州府志

卷之二十四

人物儒林

三

鄭漢耒陽人太祖時以儒士被薦授本學訓導
以才器稱建文中黜爲民永樂四年召至京念
其老不復重勞以政特賜冠帶宴賞仍以舊職
致仕

李珍字席珍耒陽人以諸生遊學荆揚閒司成
湛甘泉與之講論道學畱入觀光亭生徒畢集
名重一時所著有性理太極圖說中庸脈絡圖
說

甯咸衡陽人自少卽能爲古文詞肄業成均志
在講求正學嘗構共學軒以處生徒所著有易

編論語類補全楚會錄說輻稿舵樓閒記又居
所後父母之喪作爲人後論難咸穎慧天授學
探本原蓋人倫之模楷也

周允昌字元純號易庵衡山人少穎秀從其父
南華讀書南嶽慕芙蓉紫蓋之勝因誅茅家焉
作易說言天地間滿眼是易水流風動花發鶯
鳴無非易者學人在此一動卽落一爻考亭所
謂不看本文自成一書者是已爲人豪俊有學
有行事親孝父沒廬墓孺慕終身

廖汝恒號密齋珊之孫嘉靖戊午領鄉薦合湖

衡州府志

卷之二十四

人物儒林

四

口縣有惠政以養母乞歸從李見羅徐匡嶽討
究性理嘗購義田贍族葺館城南爲講學地監
司鄧雲霄雅相引重時有兄弟訟產者雲霄令
就質於汝恒汝恒告以至性大義兄弟感泣翕
合如初著五經新編爲人懿則諸書

王萬善

號楚陽
衡陽人

嘉靖辛酉鄉試第一志意高遠

淡於世味聞新安陳宏忠講心性之學遠道叩
謁歸坐一室覺方寸澄泓欣然有得也同遊者
慕其冲和比之黃叔度

李繼宗字孝卿衡陽人性寬簡初仕渠縣教諭

陞國子助教善誨人館中士多所成就尋拜監察御史

尹應衡號蘭亭鄱縣人少好學博極群書屢困棘闈以明經授東安訓導鬱鬱不得志時邊圉孔棘兵賦交困衡蒿日時艱草萬言疏併輯聖學聖政紀要等書詣闕上之以疾卒於京邸賡志以沒所著有四書經世宏業蟋蟀吟等書

本朝

彭齡字小鏗庠生衡山人少通五經尤精春秋學淹貫三傳折衷於程伊川胡文定斥春秋繁

衡州府志

卷之二十四

人物儒林

五

露爲贗書所批閱不下數十家性恬淡勤於教子晚歲尤日摘經書疑義反覆解說喜吟咏曠然有絕塵想駿園集其一變也

文苑

唐

曹松字夢徵衡陽人學賈島爲詩天復初及第
同時王希羽劉相柯榮鄭希彥皆年七十餘時
謂五老榜補校書郎

宋

廖僮衡山人天禧進士好古能文所著有朱陵
編洪範封建二論

廖倚僮弟也博學多才舉於有司不第與四方
名公鉅卿遊歐陽修嘗爲文送之

衡州府志

卷之二十四

人物文苑

六

葉蓋耒陽人熙寧中試才難賦魁上庠後知郴
州

廖正一字明略衡山人讀書鳳凰山深造獨得
爲文汪洋浩肆藻采煥發黃庭堅深器之與晁
補之並稱國士元豐二年登時彥榜進士初授
華陰司理累官端明學士出知常州蘇軾左遷
黃州團練而范純粹亦安置鄂州正一與之交
遊最善

李龍金字子淵安仁進士博聞強記學者宗之
劉夢應字定卿安仁人性敏好學以文鳴於時

元

何克明 元延祐丁巳中湖廣鄉試第一
武昌邱堂文詞瞻麗時稱邱何廷試復第一所
著作為世傳誦

趙洪字元德其先臨淄人徙衡山年七歲以父
蔭補承奉郎明年中童子選舉累官右文殿修
撰刑部侍郎至元十五年起為湖南宣慰使
蕭楚芳字君蘭安仁人博聞強記舉明經授郴
縣山長學者宗之

陳元明字伯元安仁人登進士授長沙丞道州
衡州府志 卷之二十四 人物文苑 七
錄事博涉經史長於文事

明

尹廷實鄱縣人洪武初以明經領本縣學事十
二載應文學行藝科陞衡州府教授

鄧偉奇字子才安仁人博學善文章中洪武乙
丑會試授翰林修撰刑部主事先是洪武四年
辛亥開科至是始復臨軒之制時與試者四百
七十二人擢丁顯第一偉奇次之

金良字玉相衡山人性雅淡不慕榮利年十八
領鄉薦再上春官不第遂不復出徜徉山水間

以詩文自適

趙廷珪字玉器衡陽人博學好古貢大學歸闕門窮經老而彌篤

謝字字伯寬衡陽人以軍籍隸順天童時極聰慧能詩召試墨梅詩稱旨命入國學授中書舍人累官至工部左侍郎掌通政使司事宏治間兩充廷試讀卷官在位四十年清裁雅望朝論共推宏治六年卒賜祭葬字善楷書亦工繪事子汝暘進士官知府孫賜舉於鄉

朱希賢字懋修先世從戎衡州遂入衡籍經術宏博尤邃於詩早歲領嘉靖戊子鄉薦隱居不仕人稱爲篤行君子

王臣衡陽人號虹橋中嘉靖己酉鄉試爲衡守蔡白石所自拔士知阜城以興革事上請不合毅然解組有贏得清風携兩袖蕭蕭煙雨賦歸來之句

何道求號六猷元狀元十一世孫隆慶庚午舉人性剛介官上高令潔己愛民蒞任九月即投簪歸茹貧自守

鄭祖明耒陽人補國子生司成湛甘泉雅相器

重歸與邑人講論道學遂厭仕進遨遊山水吟咏爲樂時巡撫顧璘巡按姚虞副使李鳳翔相與倡和

陳紹夔字贊虞耒陽人事繼母以孝聞天啟丁卯見知於學使虞公次年膺恩選鼎革後總漕屈盡美聞其名將以府佐題授固辭著詩文集數卷

歐從龍煥之子弱冠補弟子員學使董其昌深器之母早卒事庶母能孝父遺產多歸庶弟貌溫而莊人親而憚之比爲冬日朝煦詩粼粼挾

衡州府志

卷之二十四

人物文苑

九

冰聲也雅好義貧不能婚葬者傾囊助之晚營別業花藥山側種竹蒔花屢空恬如也

周隱士字令公鄱縣籍衡陽人七歲善屬文十六爲鄱縣弟子員又十年膺貢選鍵戶著書以見志作史貫經傳子史斟酌曲當嘗過夷門弔西山謁闕里探禹穴所至輒有題詠纂修北通州海鹽暨楚省衡郡諸志再遊浙中訪賢論學歸而汲引後進教人以法當潰卒充斥時父祉被掠泣求身代獷卒義而釋之迨父病卒躬冒白刃踏層冰扶櫬營葬如禮事母孫尤以孝聞

蕭丹山耒陽人以神童名七歲善詩文工大字
李昌衡陽人以貢授教諭性恬淡博學工詩
陳學益耒陽人邑學生淹貫經史桂藩延爲師
著有通鑑纂要諸書

黃廉憲字時可常寧人邑弟子員質樸好學著作甚富以文章知名

曾喬字子木衡陽人歲貢工舉子業尤長於古文辭善草書補潯州府推官轉潞南州知州時母年九十七遂乞休歸養

譚允升衡山人中崇正丁卯庚午兩科副榜著
衡州府志 卷之二十四 人物文苑 十
有近求錄

劉淵混號柏軒安仁人任安肅訓導性坦夷文章丰度一時莫及

周希堯號二水鄱縣人南京國子生長於詩兼以書畫得名

本朝

鄒章周衡陽人歲貢博涉經史與周士儀修衡州府志又分修湖廣通志並輯臨武縣志母喪廬墓病卒

鄒定周衡陽人歲貢與章周俱以孝友聞爲東

安訓導刻銘黷舍誘掖甚勤

周士儼字思若清泉人順治甲午貢成均選授內閣中書舍人陞典籍以繕書偶誤鐫級御史李之芳疏論其枉奉

命赴部訊本末士儼終不自明引罪如初少宰王清與大中丞高珩嘉之以爲庶幾不怨不尤者照所鐫級補四子學正量移工部司務檢括舊皇莊之隱漏以佐軍興兩計皆書上考以疾卒於官

段巘生字相山常寧人幼負才高儁有節概爲

衡州府志

卷之二十四

人物文苑

十一

童子時吳逆僭號衡州僞官脅之應試巘生不就僞官以聯試之云附於大邑周以吳逆僭號周也巘生應聲對曰以待天下清康熙乙酉舉於鄉丙戌成進士歷任福建上杭廣東新安兩縣有廉聲以艱歸遂不復仕爲文奇縱變幻有相山集行世

王啟衡陽人歲貢生年三十始應試工詩文敦尚氣節督學咸器之聘修府志垂成卒

胡興稔衡陽人舉人任攸縣教諭言行爲諸生模範所撰周禮註疏剖析奧義士子遵之

周命圭字搢九清泉人康熙庚午領鄉薦年纔十九性至孝少孤母鄒苦節茹荼命圭善承母志獲雋後舌耕供養所得館穀皆委諸兄無私貯命圭抱經濟略四上公車不第卒之日年纔三十有三士林惜之

歐陽紹修字小永衡山人少英備好讀書丁時離亂奉父母避兵山中定省無違禮父有六子亂平以內外食指多命紹修異居每旦入侍親膳待父母食然後敢歸食夜必待父母寢然後敢歸寢父母沒喪葬之禮極備其後諸弟中有

衡州府志

卷之二十四

人物文苑

十三

欲蕩其產者紹修掩戶自撾由是感悟平居課子若孫甚嚴家門整肅信義著於鄉里嘗有譚某爲竊衆詰之不服紹修至責之以義某俛首曰吾不欲欺歐陽長者遂改行晚益鍵戶課孫手錄古文史鑑謂讀書當得大意每夜焚香以所行告天階前一石瑩然孫正煥官至御史

彭仕商字克家齡子也聰穎絕儔總角文名噪郡邑中康熙庚子鄉試辛丑成進士任黃州府教授學殖宏富詩古文辭皆臻工妙遊其門者皆成大器鐸黃凡十八年人以比安定先生著

恒農堂古文集曉松吟諸書

蕭士熙衡山人庠生幼警敏涉獵經史善爲詩歌古文詞修衡州府志衡山縣志

戴日煥字晉元衡山人庠生博覽羣書爲文雅慕歐曾老猶勤學足跡罕入城市邑令張壽崗聘修衡山縣志

文之理字玉山衡山人庠生屢試冠其曹古文辭典贍中具有風骨接引後學至老不倦所著有家禮要歸聚東集

陳其嵩字峙南衡山人父世章多隱德其嵩事

衡州府志

卷之二十四

人物文苑

十三

之得其歡心雍正丙午中鄉試丁未成進士改庶常授編修尋授山東道御史爲文浩瀚汪洋富於才思卒京邸

謝名驚耒陽人邑諸生博極羣書中丞盧震亨過表詢遺事驚應答如流中丞深重之餽以金林鳳聲字岐聞衡山人早歲承庭訓力學不倦歷任學使皆遇以國士躋舉場者數比子學易授檢討乃澹意科名講求心性學事父母先意承志孺慕終其身兄弟間塤箎叶唱怡怡如也爲文章一遵先止允爲士林模範尤邃於易學

常有發先儒所未發者與人交剗却城府而律已特嚴足不詣公府歲戊寅太守饒延主石鼓講席以疾作未赴衡當事鮮不欽慕者

陳方愷衡山舉人歷任四川冕寧石泉威遠三縣試用知縣著有周易原書禹貢彙考

劉自穎字以上衡山人爲歲貢居家孝敬制行端方凡程朱精言語錄無不研究作文出入經史常設帳講學邑令贈有匾額

資一陽字子建耒陽人七歲失怙十五遊泮十八膺選拔每試冠軍文宗周評其文曰眼大如

衡州府志

卷之二十四

人物文苑

古

箕心細如髮劉評其文曰馬蹄秋水沐浴乎史漢大家諸生有其恣肆無其精至文載楚南風始丁未歲試童子郡守張公召之閱卷所取皆真才實學獲雋者多惜早逝邑令宗沛劉公誅之有云以高軒磊落之姿運吐鳳生花之筆其見重如此

龍盛瑞字景明耒陽人少聰穎力學爲文簡勁日能成十餘藝年十九遊泮尋食餼歷試七冠軍五入闈不售授生徒甚嚴遊其門者悉著名之士曾以優行見獎於當事

賀昌字淑文耒陽人幼苦志力學凡古今書籍悉手錄之學使王公兩拔冠軍嘆爲三湘未易才牕課藝約千篇遊其門者多所成就以廉隅自飭九躋棘闈終老明經著有四書講義其詩詞雜記彙成一帙自號草堂拙菴

李自超字仲力耒陽人幼失恃事繼母甚孝人無間言賦性剛方雖貧而樂善好施鄉有賣妻償債者糾助之精制藝樹幟文壇癸酉擬元以三場失卷見遺邑令張應星愛其文極重之會中丞潘觀風耒士擬以第一案發如之惜已赴衡州府志

卷之二十四

人物文苑

五

玉樓聞者痛之

資九極字天錫耒陽人性英敏磊落不羣爲諸生食餼屢試優等爲人恢闔有氣節雖屢躋科場而手不釋卷歲當貢選而竟不祿士林惜之周命育字貽來清泉人由進士授寧津令減浮糧裁陋規偶被水災輒請賑濟賴以全活者甚衆改教沅州時永順爲苗疆新開府治以命育調司文衡分棚定額皆出其議乾隆十年以憂去起復德安教授所著有鄱湘文集行世年七十卒子二世及訓導世顯庠生

丁一燾字晉昭清泉人由進士選庶常授編修
假歸省母時母就養吳江總漕顧琮延掌淮陰
書院三年門下士登賢書入詞苑者不一奉母
南旋母卽世居喪哀毀骨立未數月以疾卒著
作甚富以家人不戒於火無存惟澹筠詩鈔行
世

蕭子石衡陽庠生名避 廟諱以字行生明
季兵燹後家無完書搜敝篋敗簡得以奧義淹
貫諸家嘗叩鄉賢王介之王夫之鄒統魯李國
相之門相講求識理學宗旨著有評註戴記一

衡州府志

卷之二十四

人物文苑

六

本杏園詩集人多傳誦之秉性冲淡而風骨凝
然待朋友死生不二

陳賡治字予載衡陽庠生三歲而孤事孀母居
窮鄉僅從塾師識句讀年二十始得師下帷癸
憤管淡食數月不覓盪酪究極經義出其門者
多知名士持身嚴介而飲人以和門以內無遺
行焉著有賓門集未刊

宋勦齡字席雲衡陽舉人初學於父之素父歿
師其伯兄羲齡於天文地理諸子百家無不究
其底蘊窮年著述有四書諸儒會纂詩經尋耕

心堂等集居常敦篤孝友訓飭子孫皆可師法者

劉心忠字一斯先世臨武人以六世祖大司馬堯誨解組居郡諭葬於衡遂爲衡陽人而仍籍於臨入臨庠食餼爲人端謹燕居不廢衣冠而樂道人善篤志好學手不釋卷當老年猶作蠅頭小楷所著有竹園雜記日省錄彞好編諸書嘗兩舉鄉飲

劉靖忠字公則明大司馬堯誨六世孫也籍臨武而世家於衡弱冠入庠雍正元年拔貢敦樸

衡州府志

卷之二十四

人物文苑

七

不染俗囂勤學問而廣教育築平山家塾課子姪多有成立從游之士墻舍莫容平生肝膽照人雖面折人過而人皆愛敬之辨析經義淹貫諸書著平山堂集藏於家

宋士莊字整閑生而穎慧學於其父薊齡八歲能文父竒之授以經史目數行下任太康知縣能以經術飾吏治生平不輕言笑不道人過失著述罔間寒暑有霜桐文集雜著詩集整閑時義行世其評隲古今詩文甚夥

周命鬯字元一衡陽貢生爲諸生五十餘年家

徒四壁孝友一堂門無俗客惟問字者踵相接
焉衡郡知名士半出其門有通籍者第勗以忠
藎不以私干也生平所著詩文多散佚友朋間
未獲付梓行世

李穩字辰如衡陽庠生賦性恬靜內行修謹髫
齡卽喜弄筆翰無他嗜好廿七游泮識者有國
士之目屢薦棘闈不售遂絕意科名築晴江草
堂朝夕吟咏其中進子弟而訓誨之所著有晴
江草堂詩古文集計五十卷已梓行世晴江續
集三十卷五經疑義刪訂鑑略共若干卷未刊

衡州府志

卷之二十四

人物文苑

六

而歿士林惜之

袁芳號芬亭清泉人由進士教授岳州著儒學
規條十則以授生徒致仕歸猶勤學修篤宗黨
俸餘無幾時以周族之貧乏

陳必達字士兼祖籍福建康熙二年父君顯以
武功安插衡陽城南必達郡學生膺歲薦有文
善書爲時所稱授徒耒陽多所造就

隱逸

漢

羅訓未陽人隱居邑之樟檜嶺

五代唐

廖凝字熙績衡陽人隱居南嶽李景聘爲彭澤令慕陶元亮高風視事未幾歎曰昔元亮不以五斗折腰吾何久爲人役惻愴若轅下駒耶卽致印歸再起爲連州刺史尋復歸隱

廖融字元素衡陽人隱居衡嶽與任鵠凌愔王正己相友善皆一時名士不樂進取不徇勢利

衡州府志

卷之二十四

人物隱逸

五

陶然山水間

宋

侯彭老耒陽人避暑居獅子巖

元

侯應雷字春卿安仁人不就辟召隱居山中以詩文自娛所著有春山居士集年九十卒

明

李存字仲公安仁人穎悟該博與貴溪祝蕃遠遊上饒陳明遠之門有司以高蹈邱園舉者三皆辭朝臣薦之又辭洪武中卒有竢菴集

雷鳴春字以時耒陽人由歲貢任南昌縣教諭與章潢發明易象謂易本因象設教而王輔嗣得意忘言得言忘象之旨與聖人用意不合因與潢及黃汝亨姜士昌共定易說未幾棄官隱於匡廬時遊吳會罕有知者

李國相衡陽人領崇正壬午鄉薦癸未獻賊陷衡徧率薦紳強以偽職下令不赴者死國相引刀勢面示不可用會獻忠入川得免徙山谷築室植桃數株臨池人稱爲桃塢先生

郭鳳躔字季陵衡陽人崇正壬午鄉薦隱石僊

衡州府志

卷之二十四

人物隱逸

三

嶺下竹塢藥欄日吟嘯其中以自娛

夏汝弼字淑直衡陽人時衡湘亂汝弼徃狂遠蹈或歌或泣有語及時事者卽閉目不答後入九疑絕粒死

王仕璉衡陽人成化間舉賢良方正聞辟卽避郡邑長吏多方諭之終不就辟

伍一生衡陽人隱居石牛山著太極圖說解煙巖十六帖

李跨鰲字一超衡陽人十五成諸生經世亂奉母避祁邵山中時大飢變姓名爲人傭耕以給

養尋還衡結茅髻山之麓旦夕衣冠侍母舍傍
築室子夜燃松節讀書其中所著詩文臨終盡
燬

伍時美字仁軒耒陽人逸於直釣巖因建閣居
之至今遊者吟咏不絕

劉存善耒陽人賦性淳樸不善治生產居城市
足跡不履公庭嘗逃醉鄉以全其真有古隱者
風

曹三仁耒陽人性嗜酒年九十猶終日操卮不
輟常遠世情自樂其樂類古之逸民

衡州府志

卷之二十四

人物隱逸

三

謝嗣修字淳夫耒陽人氣概容與才情超特當
事聘其監軍不就力耕終老

李君培字玉燭耒陽人爲明諸生勤於學博雅
端方開西郊文化講授生徒雖盛暑必衣冠卽
狂悖醜橫之輩過齋外必斂容明鼎沸培遂絕
意仕進

楊兆昇字升之耒陽人明太學生爲文疎落有
奇氣數應舉不售歸與郡孝廉王夫之而農介
之石岬鄒統魯暨江西羅文止章大力諸先生
友善恒以詩文往來贈答當鼎革之後絕意仕

進葛巾野服種柳栽菊慕陶靖節之爲人恒爲諸子曰爾曹通經術作興朝有用之士以圖報稱吾行吾志而已徜徉歲月以卒生六子長歲貢俱邑諸生

本朝

胡本煌字明遠衡山人爲諸生嘗爲讀書當勵實行柰何以區區浮文博虛名也因養晦自高作別墅於楊子峯下名曰覺齋屏跡城市鍵戶課子笑敖山水間詩文自適

謝焜未陽人字君赤如珂次子性孝友敦氣節

衡州府志

卷之二十四

人物隱逸

三

崇禎癸未父殉難焜哀毀骨立兄焜蚤世撫遺孤如己出乙酉與貢選授袁州別駕隨歸隱

國朝大中丞袁公廓字薦辟之焜以母春秋高辭不起

謝如玠字二酉未陽人弱冠補弟子員慷慨軒豁具經濟才以兄如珂殉難崇祀遂益自砥礪歲甲午經略洪公承疇以幣聘將題請授官玠以老固辭

黃鼎元字君調常寧人爲文高古典麗栖隱山南詩酒自娛

李日思字九有常寧人早年以文章知名尤長於詩而絕意仕進歿後人多景仰

衡州府志

卷之二十四

人物隱逸

三

篤行

六朝齊

何宏衡陽人四世同居共衣食詔表門閭蠲租稅

宋

黃琪衡陽人賦質方正常以善行誨人長子師道爲屯田郎中次師旦爲屯田員外皆以廉幹聞

胡晏衡陽人性孝友鄉里慕之人有爭不到公庭多往質焉開館舍延四方賢士廸諸子

衡州府志

卷之三十四

人物篤行

三

尹沂鄱縣人積學好古嘉定中建臺山書院廸明經以教邑中俊彥置田百二十畝以供祀事贍生徒一時士風丕變

元

曾世榮號育溪衡陽人精於方脉著活幼心書行於世大德丙午衡民不戒於火延及二千餘家火迫世榮宅四顧無以爲計忽颺塵中但聞人聲喧呼此曾世榮宅並力進水百餘器煙止風收而宅與書板俱得不焚

歐陽子敬字聚德安仁人舉明經授郴縣教諭

學行兼優

明

劉本讓衡陽人敦崇孝友與兄本信立祠堂敘族譜數世同居里人賢之

劉尙義字台卿永樂初邑苦賦役尙義詣明府請寬其政民困以蘇

周誠衡陽人正統三年春載稻七千五百石貿於南都經九江安慶值大饑盡以所載賑之有司以聞賜勅獎諭其家百年建坊旌之

張永宗安仁人成化間輸粟賑饑給冠帶

衡州府志

卷之二十四

人物篤行

三五

廖璜常寧人成化二十年歲大饑輸粟賑濟有司申請旌表賜冠帶

康時匡衡山人性嚴毅勇於爲善倡建義田創義渡賑貧活族自甘蔬水年八十行之不倦

康韞燦衡山人性質樸母喪廬墓哀毀骨立喜施予鄉人藉以舉火者數十家逋券千金悉焚之嘗有盜過其門日勿驚善人也縣令彭簪雅敬之

譚道號宏宇衡山人敦篤孝友博通經史教授生徒皆知名士

唐祖官鄱縣人品行端正工岐黃之術無貧富一以至誠治之而弗計財利尤憫恤貧困輒自袖方藥周旋之始終無倦容族黨鄉里媿睦敦篤拯厄解爭尤汲汲焉

楊明榮字仁甫衡山人以軍籍中貴州鄉試作別墅於衡山中紫峰下名其山曰此山養晦自高不入公府事親篤孝行謹修飾未嘗褻服覓客山有白龍潭可溉田躬耕其中曠如也

歐陽梧安仁人仕光祿署丞天性孝友篤於宗盟凡服屬之親月有廩給無凍餒者萬歷十七

衡州府志

卷之二十四

人物篤行

三

年歲歉梧輸粟千石以賑有司奏聞詔旌之

鄭璜耒陽人字廷玉年十八領鄉薦任井研教諭擢授王府聘試見重藩王畱任久之陞縣尹固辭歸

譚安暉鄱縣人遇歲歉出粟賑濟嘗有偷兒入室安暉覺而起飲之酒贈以金且勸其改行自新終未嘗言其人

劉伯奇字世奇常寧人事親曲盡色養由明經任四川銅梁學博所造士多成就致仕歸比閭族黨閒咸加賑卹屢舉鄉飲大賓憲司特表其

廬

周福昌常寧人舉賢良方正任刑科給事中

聶廷鳳常寧人資性篤實沈潛問學嘗捐金脫人於難有宿負力不能償者輒焚其券

劉阮友字郎來衡陽人有孝行學使高世泰優獎之

畢應福字肖松衡陽人嘗於道拾遺金二十兩沿途揭帖招失金者還之數日失金人至悉給之其人感泣去

劉際炎字藜軒臨武籍衡陽人值歲大饑爲粥

衡州府志

卷之二十四

人物篤行

七

以食饑民活萬餘人撫按具疏加四品服

華光國字文巖衡陽人歲貢早失父母育於祖祖沒以腴產讓伯父歲饑以穀二千餘石給族里

周德號子憲安仁人授武陟縣丞性剛直取與不苟

徐廷相字惟吉衡陽人歲貢性孝友授萍鄉訓導二載乞歸養母盡歡

曹國光耒陽人歲貢生博學有品見鄉人爭輒往平之莊墾杉千株爲鄰火延燒殆盡鄰人願

償光慰遣之其長者行類如此年九十六卒
康希上衡山人爲人重厚淳樸

吳明試衡山庠生品行端方年登九十
喻禮衡山人居心樸誠年登九十

劉賢鄴縣人由太學授豹韜衛經歷六載致仕
歸平生篤於孝行所守清白勸人息訟人多稱
之

趙永城衡山人生平慷慨壽享九十有七

陳裕衡山人以德行屢舉鄉飲

唐登化衡山庠生文行兼優

衡州府志

卷之二十四

人物篤行

三

曹鳳朝衡山人以德行舉鄉飲七次

曹克岐衡山人以德行舉鄉飲二次

劉耀祖字文裔鄴縣庠生學行兼優生平所行
無不可對人語者嘗論趙清獻焚香告天事曰
是人皆可能也爲人內介而外通郡邑名流皆
競把臂云

鄭尙仁衡山人以德行舉鄉飲二次

劉必騰衡山人簡默修身作事不苟年至八十
戴月衡山人以德行推舉鄉飲二次

羅森衡山人鄉閭稱爲長者曾舉鄉飲二次

姚純弼衡山人以德行舉鄉飲二次年至九十有七

文源賦衡山人端方樸實鄉里推之

蕭奉中衡山庠生癸巳饑散穀五百石賑救鄉里賴之

王國林衡山人敦樸淳謹鄉井無詬不詩書而能善惟引年以自怡壽逾八旬鄉飲一次

歐陽雲號瑞庵安仁貢生任江華縣訓導告致歸謙恭持己孝友睦族

樊問仁號綏山安仁貢生以齒德舉鄉飲七次

衡州府志

卷之三十四

人物篤行

三

許正芳

劉存芳

李膺

鄭福

按以上四人事實未詳俱於成化年間旌表義民建有坊表

吳義恭耒陽人成化閒率弟崇謙祥出粟一千二百石賑饑詔旌其門

陳文謨字嘉言衡陽貢生篤學力行以德行被旌異授桂林府學訓導不踰年即乞歸杜門謝

客日督課子弟鄉里稱爲長者

姜茂富衡陽人性誠直嘉靖己亥年一百四歲
知府蔡汝楠題扁旌之曰禮養高年推官舒錫
化賜之杖銘曰履吉而康後二年而壽終百有
六歲

吳興化號方塘耒陽人萬歷捐貲助採皇木免
致鄉里受累

黃帆號瀘溪常寧人任楚府典膳慷慨好義鯁
直敢言助修學宮賑濟饑貧列名於流芳百世
亭內

衡州府志

卷之二十四

人物篤行

胡象坎字逸潤常寧人立品端方接物和藹歲
凶賑濟鄰喪助麥屢舉鄉飲

阮仁山字匯川常寧人溫恭盛德行己端方周
急濟困施藥賑饑以入袞膺恩詔冠帶九舉鄉
飲大賓

沈官號少泉常寧人持守公平捐田助學舉鄉
飲三次

殷之彥字四明常寧人好學攻苦遂成疾乃究
心岐黃之術以葆天真兄弟四人友于無閒庭
前紫荆爲之益秀雅好義天啓甲子閒大饑出

粟助賑全活甚衆

本朝

吳詔耒陽人任漢興鎮標中軍守備嘗捐粟二千石賑饑

陳汝芳衡陽人宗契之孫有黃某者負富人重賞將鬻其婦以償汝芳發其家所藏穀帛並稱貸盡爲償之黃夫婦遂得完聚

侯甸歲貢生嘗於河南旅次遇孝廉蔣天植沒於客舍甸出金爲殯里中有不能娶者出貲爲完其婚任麗水縣丞

衡州府志

卷之二十四

人物篤行

三

宋之素字槐望衡陽人康熙辛酉歲貢至性天植獻賊之亂饑饉游臻日自食粥而父膳不缺母柩厝宅忽一日夢母心動晨起急改厝是夕盜果燬其廬嘗避兵兄弟相失攜四歲姪錢齡盤錯百死中獲卒見而釋之捐置祖墓下義田以贍族人族人化其義數十年無終訟者嘗言讀書人惟好利不可藥最壞人品心術年七十五卒提學潘公宗洛志其墓李公周望序刻其遺藁

侯儒讓安仁人庠生三歲父沒晝夜啼泣侍祖

母色養無違捐產撫孤施棺發粟素多善行嘗
事聞之旌其門

詹象鼎常寧人庠生縣人卜遷學宮皆曰象鼎
宅地吉象鼎曰果吉吾當毀宅不願獨利也由
是新學遂成

曹徵異邑學生篤內行律已端方立宗祠設家
塾歲饑散銀穀以賑佃不能償租者捐之舉鄉
飲賓子紹參舉優生亦鄉飲賓

陶堯埜衡山人家饒於財而好義有可以濟人
者必力行之邑人歐陽維嶽著養生備要堯埜

衡州府志

卷之二十四

人物篤行

三

爲梓以壽世

譚瓊英衡山人歲貢生嫉前明中葉以後理學
不明人喜詆毀程朱沿剽子書以駁爲奇以僻
爲奧與子弟講學論文一出於正邑議徭賦及
有興建令長重其素行必諮詢之

曹徵達庠生好行善事歲歉出銀穀賑卹無算
達死其妻文氏傾膳貲以濟饑達訓也

鄭大璉耒陽人仗義樂施歲大饑出粟賑濟鄉
人歌頌厥後子孫繁衍人以爲德之報

譚尙樸耒陽人萬歷年間鄉飲邑令李日新贈

之曰碩德高標

鄭天寵耒陽人字麓山太學生爲江寧令歸敦行好善嘗置棺木累百草履至千施藥煮粥以周濟鄉人

謝讓耒陽人以父兄貴顯不欲仕進吟咏自娛人稱爲忠厚長者

王涵字顒度衡山人庠生少失怙家貧嗜學竭力奉母每負薪飯牛必懷一卷自隨手著經義遊其門者多所成就平居無戲言戲動敦行植節爲時師法

衡州府志

卷之二十四

人物篤行

三

唐供衡山人好善樂施與供初貧竭力置祀田入宗祠歲饑舉家日食粥而縮米濟鄉閭及稍裕時捐貲修橋梁動數百金不少吝其弟貧不能自存給田贍其家日以勤儉力學教子孫知縣陳齊芳旌以額

茹崧字永年衡山人貢生工舉子業屢困棘闈一意敦善行歲饑出米數百石賑卹鄉里頻年不倦湘潭昭陵灘怪石如鋸舟悞觸立碎乾隆二年崧捐貲數千金鑿之並立鐵標以導行舟凡八載乃成

譚毓灼衡山人

岸生性行耿介多義舉歲饑出

粟於南嶽施粥

命其子涉糶濟貧有貸者不責

其息舉鄉飲介賓

康懋績字子偉衡山人性孝友嘗撰躬行錄以

訓俗客岳州有逋賦者將鬻妻以償懋績代償

之岳人問其姓名不答

陳立綱衡山貢生文行爲士楷模學使習公吳

公先後舉優

唐光大字而智清泉人岸生敦本睦族以教育

後進爲己任作家訓八條士農工商四箴倡置

衡州府志

卷之二十四

人物篤行

三

祭田學田擇子弟之才者督課之家規秩然

唐欽議衡山人監生好義樂施冬寒施綿被二

百鋪歲散穀二百石修大新橋捐銀二百兩

趙紹鼎字裔遠衡山人性孝友兄早逝爲撫遺

孤逾於己子歲饑捐穀數百石以周貧乏以歲

薦授沅州訓導

曠盼字東旭歲薦授訓導不就文章志節爲士

林欽佩每出金力行善事構祠修譜造橋建塔

常獲爲善之樂舉鄉飲賓人比之太邱父鴻陞

子仕策俱舉鄉飲世以厚德顯

劉宗源字堯裔衡山人邑學生潛心理學爲邑人矜式舉鄉飲賓

陳鑑衡山人庠生工文章事繼母孝待兄弟恩誼甚篤捐置社穀好義可風

丁名瓚字中伯清泉人在母娠七月而孤七歲喪母事叔克明如父克明之子璜璵俱孤瓚教育之若同胞創譜立祠置祭田義田又置學田性和而嚴孝友篤實人謂有石氏風

羅士撰衡山人貢生任善化訓導擢郴州學正致仕舉鄉飲賓性質醇厚司鐸有方子登庸知

衡州府志

卷之二十四

人物篤行

三

將樂縣有能聲

劉本貴衡陽人少失怙恃有江南老人黃惟正者流落無倚本貴憐而養之以其年與父等事以伯叔禮里人咸義之邑令王鸞獅旌以匾魏瓚字瓘公衡陽人庠生值大疫家老幼死亡相繼瓚於流離顛沛中治父母喪咸盡禮兄故遺三孤教育如己出

喻楨衡山人庠生好善不倦施衣施粥置義山有長者風歲饑與姪聖崑捐貲施粥人德之李元龍耒陽人邑諸生睦族樂施有自鬻者爲

贖之有通賦者代償之人稱爲長者

謝恪滿未陽人邑學生性孝友好施予兩舉優
行士林重之

楊文燦未陽人邑諸生學有本原力行孝弟居
喪遵家禮易簣時戒子勿尙浮屠

曹宗蕙未陽人邑諸生嘗娶一妾將就寢詢其
夫死幾年曰現在蕙立呼婢伴之宿明朝還之
不索直年八十八

陳文燧未陽人有先民遺風兩舉鄉飲賓年九
十六

衡州府志

卷之二十四

人物篤行

三

吳國祚未陽人邑諸生好行善事三舉鄉飲賓
年八十三

曹仲訓未陽人邑諸生賑卹族鄰人有不能婚
嫁者助之於舍旁置一倉貯穀以周乏將卒語
子曰憶吾生平未有一事不體認天理

吳正己未陽人邑諸生有善行嘗於途得遺貨
七十餘金遍諭三年無取者乃以此修萬壽橋
易上泰衡山人嘗拾遺金五十兩卒歸其人

劉瑛字靖公衡陽貢生淡於仕進居家孝謹侍
父疾躬浣垢穢晚年居靜林著醒世藥言非公

不謁令長享年九十有二配童氏亦享年九十有六

甯馥隆字二含衡陽監生樸茂肫實篤於至性母病衣不解帶者踰年母歿哀毀骨立事繼母如所生兄弟友于視姪猶子門內之行鄉里推之

曠士常衡山人倡復觀湘書院

羅名正衡山人八歲喪父勺水不入口鄉里稱之至輕財好施兵餘事也

周之緯衡山人父沒哀毀如禮捐修祖墓祠宇

衡州府志

卷之二十四

人物篤行

三七

倡建鎮嶽橋濟美橋家故貧能以德義感人事無不集孫世玉登賢書

楊于綱衡山監生事親承順無違奉上檄建社倉捐穀二百石

曠士策衡山諸生舉鄉飲賓孝友端謹克遵祖父訓生乎多義舉捐建祠塾義倉動輒百金李泰耒陽人按察使璽之孫有文名年四十遊太學母老終身不願仕進甘心貧困菽水承歡有古人風

謝應名字襄周耒陽人秉性孝友雅嗜詩書補

弟子員談論英偉品概不羣仗義解紛人多推
爲魯連出歲甲午有逋欠鬻妻者憐而予之金
以全其夫婦當事咸重之至于新葺邑志採訪
之力居多配賀氏柔順謙和不嗇于財曾值歲
歉焚券不索其償鄰里頌爲女中仁者云

劉天敘字惇五衡陽監生敦樸有至性父仰山
性嚴毅能曲意事之待二弟有推梨讓棗之風
遇朋友事披肝瀝膽釋其爭畔人亦感其誠懇
蕭恕中字真行衡陽庠生八歲失怙惟母是依
母沒廬墓十有一載卒於墓所

衡州府志

卷之二十四

人物篤行

三

杜枝崧字仰若衡陽貢生天性孝友十歲市肉
膳親值吳逆踞衡游卒騷擾見而奪之崧哭告
以實遂還之且衛出寨年十九入郡庠每試高
等延師者不閒遠近崧戀戀晨昏甘受薄脯辭
遠館廬墓終喪虎爲馴伏兄枝喬躬勤稼圃崧
事之惟謹館穀所獲悉聽其出入所著有杜仰
若時文湘浦吟二卷

楊琇衡山貢生性孝友舉鄉飲賓嘗率諸人士
請於縣建白山書院

曠鴻陞衡山諸生舉鄉飲賓品端有器量人以

比彥方

文登元衡山人作化俗篇勸人居喪斥浮屠禮
家禮

文在奎字調遠未陽人幼負大志年十七列武
生越三年棄武遂補弟子員文品卓卓有聲數
奇不售一卷咕嗶毫而弗倦喜吟咏賓朋詩酒
不輟閒居子姪環侍藹然可親偶有失斥責甚
嚴遇鄉人小忿輒婉爲勸釋邑有大事多借箸
焉以故先後諸邑令每多改容而禮貌之都人
士咸奉爲典型云年六十三卒人痛惜之弔奠
不絕

衡州府志

卷之二十四

人物篤行

三

譚尙岸衡山人倡復觀湘書院

劉俊字天如衡陽庠生與弟高美愛篤友于倡
修譜牒建祠宇私購田畝以供歲祭收宗睦族
藹如也族子罹禍將嫁妻輸官賴俊以免
單乾璜衡山監生爲人端正平易近人

賓之技衡山監生慕善好施嘗施無利穀數百
石

譚孔蕙衡山庠生督修學宮書院不辭勞瘁
蔡文甲衡山庠生修譜置祭田鄉人稱之

蕭長聯衡山人好義樂施舉鄉飲賓

資九敘未陽人事繼母以孝聞爲人慷慨好義
值歲不登多方設備米穀以救饑

謝嗣孔字素臣未陽人庠生食餼順治丁亥穀
貴捐資請邑令於城隍廟施粥三日感而效者
十餘人民賴以稍甦

鄭大珪字美所未陽人起家勤儉性慷慨丁亥
歲饑不惜廩積悉以賑貧

李弼明字厚阮未陽庠生平生好施與屏跡城
市不預他事

歐陽隆焜字含章衡陽監生拓落不羈而篤於
門內事母以孝聞閒有甚難解之事母一言立
釋母沒茹素終喪仲翁乏嗣建置祀產季翁爲
虎所傷醫者云敗茅蟲嚼敷可愈焜卽嚼敷之
而翁獲痊

馮萬鎰字仲偉衡陽庠生十五喪父哀毀備至
事母就養無方垂老猶孺子慕與兄庠生紹京
相師友白首無閒不忤顏色課子孫具有法度
爲人和厚謙謹樂施好善不干外務舉充鄉飲
介賓

劉國權字仲臣衡陽人天性醇篤母病劇夤夜求醫疾行傾仆傷右足遂微蹇母歿茹素三年兄弟有中落者以己產讓之

郭如瑛衡陽庠生孝養孀母孺慕不衰母沒葬梅花嶺廬墓終制比有呈報孝行者堅却不受聶萬和衡陽人攜妻倪氏避兵政平鄉兵及之倪赴水死萬和感妻節烈終身不娶

伍瑞雲字友祥耒陽庠生性惇篤慷慨三兄皆早逝撫諸孤視若己子嚴而不厲閒有貧不自給者周卹之邑令多推重焉

衡州府志

卷之二十四

人物篤行

里

謝嗣美字美生耒陽庠生歲荒輒散粟賑里人德之

鄭光禧耒陽人少孤勤儉治家正直接物慷慨好施予教子有方

賀成章字達卿耒陽人好施與歲饑穀每石值三兩章與謝嗣孔請於邑令楊永泰煮粥活人各施三日章獨施六日

歐陽益衡陽庠生幼失怙兩弟俱幼時方多難益食貧攻苦得爲諸生凡家政必稟命於母意有所向必曲體之尤篤友愛舉產之腴者悉與

兩弟而已取其瘠庭訓甚嚴訓人之子弟亦如
之生平語言無媿褻作字必端楷孝友方正有
古人風

唐臣字鄰哉衡陽庠生好學不入城府事親以
孝聞教子甚勤子傳銑成進士在都中臣書數
百言督課如庭訓

陳心一衡山貢生邑治巾紫峰下有亭日久漸
圯鎔率同人修復古蹟並捐田施茶以供過客
廖國賓衡山廩生爲人倜儻倡復觀湘書院不
恤衆議

衡州府志

卷之二十四

人物篤行

里

劉天柱衡山人爲人忠厚族有祭田售他姓天
柱贖歸其子星燦孫嗣鳳等倡建祠堂以收族
王豐右衡山監生事親能盡力歲歉助米煮粥
以食饑民

王霍字峙南衡陽貢生早失怙恃孺慕終身作
哀哀詩兩叔無子一則展墓盡哀一則迎歸奉
養事寡嫂撫孤姪皆極勤懇爲人弱不勝衣而
屹立耿介著小山詩文若干卷

何異舜衡山人爲人敦厚好調卹舉鄉飲賓
譚昌徽衡山貢生文行爲里所推重舉鄉飲賓

吳載恩衡山貢生爲人忠信舉鄉飲賓

李千秋字天植常寧庠生天資高邁落筆雲煙賦性喜施與遇人有急雖素不相識輒禫金助之百緡不惜

資尊中字子卿耒陽庠生持身端方孝友並著汪顯安仁廩生事繼母盡孝萬歷閒獎給冠帶謝思宋字山田耒陽人性誠篤不阿時好閭里咸重之

謝永泰字赤生耒陽庠生博聞強識居城市從不入公庭族之子弟有能讀書不計修脯務曲

衡州府志

卷之二十四

人物篤行

三

成之

謝才標字蜚英耒陽庠生秉性正直濟難扶危不惜物力

陳良桂衡山人文行俱高享年九十有二

歐陽之琇衡山人敦倫力本通族服其公正享年九十有七

楊美芝衡山人寡言笑重然諾年二十五失偶美不復娶有劉姓遺金二十兩爲守候還主享年九十有三

劉異才衡山人秉躬正直母病劇嘗糞以覘吉

凶一日雞鳴起禱割股和羹以進雖匹夫愚孝亦至性之過人也年二十二失偶生二子矢不再娶或謂之曰人生貴有唱隨之樂耳何太自苦若是答曰夫婦之道一也夫死則責婦以守節奈何婦死而遂置義不顧耶後年踰八十李廷俊字千一衡山人秉性剛介素守樸誠以詩書忠厚傳家享年九十有五

監生丁士淳生員董宏傳陳源劉士沕侯旬里民王在定陳子丹王孝先王賦千楊純也等俱衡山人雍正十年撫都院與觀風整俗使因其

衡州府志

卷之二十四

人物篤行

四

好善給匾獎勵

劉元炳清泉庠生家貧養親撫兄弟弟遺孤成立有鬻妻者解囊全之士林稱焉

傅振華字亦載清泉人性孝友父母喪葬一身獨任不及諸弟廬墓食粥不茹葷者六年後每除夕必詣墳前守歲置田奉祀自奉莊產遇歉卽散給貧乏歲饑諸借貸悉焚券著邇言集撮要錄行世

王良佐衡陽人年九十八歲題准

賜八品冠帶及終壽屆百歲

許可第字一元耒陽庠生設帳授徒館俸歲約四十金每於秋成貯穀至次年夏價昂便舂米零給族鄰之匱乏者

謝宗禎字祥生耒陽庠生好讀書至老不輟布衣蔬食恬然自得

資一鏞字欽若耒陽庠生爲人端方見義必爲人服其有耿直之槩

李鍾巒字天友耒陽庠生有光明正直之槩見重於人

曹徵璽衡山人爲人慈惠舉鄉飲賓

衡州府志

卷之二十四

人物篤行

聖

歐陽開榜衡山庠生爲人正直舉鄉飲賓

向光熾衡山貢生勤學敦行舉鄉飲賓

蕭湘雲衡山庠生清白自持舉鄉飲賓

蕭必遇衡山庠生持身淳樸舉鄉飲賓

周日章衡山人爲人端方舉鄉飲賓

董士柳衡山人爲人敦篤舉鄉飲賓

楊正暢衡山貢生端方不佻舉鄉飲賓

曹紹參衡山人爲人正直睦族卹鄰舉鄉飲賓

屈大容衡陽人壽九十歲爲人貧而有守讀書

識義理教子孫具有法度

李之芳字蘭如鄱縣庠生榮元子也幼攻苦有大志以孝友聞於鄉己丑徐鎮恢城悞執其兄姪遂匍奔營所傾家以釋兄姪之難有同邑因歲歉嫁其妻以全生芳聞之給以銀米得不嫁又有尹姓者遭冤誣羈於禁芳爲代贖出之尹感其恩夫婦甘以身奉驅使相報芳不納取其券焚之邑有茶陵民鬻其子償糧錢者芳以銀倡諸友贖還至於饑者食之渴者飲之無所歸者葬埋之其生平急傾危好施與類如此弟之秦亦博雅士友于無閒互相師友常艱於嗣芳

衡州府志

卷之二十四

人物篤行

吳

力贊娶妾始以藐孤得傳

胡興稔清泉庠生行誼淳篤嘗作格言戒子弟
乾隆元年舉鄉耆授八品冠帶兄興耕弟興耦
耦字維千沅江訓導爲諸生教學有繩矩及司
鐸嚴肅如鄉塾焉興耕字青御增生構祠敘譜
多所善舉

譚大智鄱縣人以歲薦家食澹泊寡營非公不
至邑舉鄉飲大賓研討經史尤邃易學性嗜酒
恒神遊醉鄉以舒曠懷識者謂其有陶彭澤風
陳維持字賡明未陽人有售妻求生者持養全

之有鬻子者持周濟之

鄭光祠耒陽人愛切友于至老彌篤鄉黨推其正直

匡時照字帝臨耒陽人生平敦尚古道教授生徒以立品爲先

李仲賢耒陽人樂善好施求無不應里閭推重鄧士卓字立如耒陽人幼孤事孀母孝歲饑族有不能舉火者罄其所有分給之佃逋新舊租不能償願鬻妻卓免其租生平所爲類如此

謝仁廉字潔生耒陽人孝友純篤始終弗渝居

衡州府志

卷之二十四

人物篤行

七

鄉以厚重稱

伍人瑞字祥生耒陽庠生父兄早逝百事矜持視姪猶子完婚娶課詩書營田舍無有二心

曹懋勳耒陽庠生生性長厚喜賑恤族鄰婚嫁不及者捐資助之

梁士吉耒陽庠生重厚性成扶危濟困一言一行悉遵禮法

曹上鵬耒陽庠生施茶砌道樂於施與事繼母以孝聞

李模字子鏡耒陽人忠厚之風人咸慕之

歐陽嗣佐衡山人持躬樸厚舉鄉飲賓

如其學衡山庠生端方樸實好義輕財舉鄉飲賓

文自申衡山人和睦鄉里舉鄉飲賓

王境生衡山人幼習詩書砥節礪行取與不苟然諾必信

晏運炎衡山監生素行敦篤睦族和鄰循循以禮法自持

袁德宏衡山人樸誠厚重不事浮華族黨推其德義

衡州府志

卷之二十四

人物篤行

四

楊似玉衡山人愛切友于皓首彌篤偶值歉歲出粟賑饑

楊維衡山人行誼修飭古道照人居家尤克盡孝友

劉光蔭衡陽人世業詩書工書畫及五七言詩年九十當路重之題准

賜八品冠帶

鄧如日衡陽人素行端慤不干外事父母早歿事祖父母得其歡心撫弟姪均平鄉里重之年九十二強健不衰

馬如璜字渭奇清泉庠生膺貢選親老不仕與諸弟雍穆一堂巡撫王之樞延掌書院性樂施與遇饑減糶捐賑選鳳凰廳教諭辭不赴

謝人儁字百英耒陽人性慷慨然諾不苟有售妻償逋獨輸二十五金代償之俾夫婦如初

劉傳銓字爾達清泉庠生應鄉試聞母病歸自是懼疎定省絕跡塲屋中年失偶守義兄歿撫其孤猶子族婦歐孀居貧苦給田宅堅其操倡置祭田歲歉捐賑里閭推重舉充鄉飲

周命服字弗斯清泉舉人事繼母以孝聞陳督

衡州府志

卷之二十四

人物篤行

完

河鵬年重其學延課諸子在桃源教諭年七十七卒

謝依仁字士德耒陽人慷慨好施尤勤公事如遷學宮修杜公橋南門路及河埠等處無不踴躍捐助

楊開文字爾雅耒陽庠生學問優長筆墨高古雅不喜投時好鄉人爭訟不能平片言立釋吳大述耒陽庠生慷慨好施其親族之饑寒困苦視若一體

楊煒字美含耒陽庠生耿直端方取與不苟不

欺已不欺人一生行事可以對天

資一葦字爾楫耒陽庠生舅氏爲人誣獄竟擬死哭懇巡按得免謝百金不受第一藻甫過歲教育成人遂爲郡諸生產均分毫無自私人稱頌之

謝軾字又蘇耒陽庠生賦性端方嘖笑不苟士林重之

羅復倫字心一耒陽庠生避居永界潛心經史自知力行篤於孝友耒永諸生多宗之

伍宗奭耒陽庠生急公尙義屢勤善舉

衡州府志

卷之二十四

人物篤行

辛

劉永孫衡山人爲人方正處事公平一舉一動恪循禮法

劉自預衡山人內行克敦好施與寡言笑時人謂之緘口先生

邊宗欽衡山庠生家貧舌耕篤於本行字學精工士林以爲模範

熊九臯衡山人持身厚重立論公平排難解紛寧人息事

曠葵生衡山庠生醫藥濟人並不計利事親尤委曲承歡

陳澹衡山人幼業詩書居家孝友樂施好善悉
本至誠

趙履臣衡山人爲人正直排難解紛鄉閭服其
公論

蔣淑衡山人立身恂謹端方不阿善氣迎人強
橫折服

涂志顯衡山人厚重自持訓課爲業合境沐教
市少橫爭

劉克仁字長公衡陽貢生娶熊氏生子四人中
年氏亡人勸其繼娶謝之曰吾既有子復生孫

衡州府志

卷之二十四

人物篤行

至

眉宇不凡皆熊氏賢德所貽也再求他偶不安
吾子德是負吾妻也遂終身不娶以孫良璧貴
贈中憲大夫

王必選耒陽庠生克盡孝道處世和平少長咸
服其教

伍聚奎字燦斗耒陽庠生性樸誠無炎涼態族
衆憚其嚴肅友朋重其端方課子若孫寒暑勿
輟

廖呈霽字五輝衡陽人娶吳氏嫻婦道生子女
各二吳亡霽年二十八歲感吳孝順誓不再娶

弄婢女不使介側未幾次子女夭有以撫弱息
勸者謝之鰥居三十餘年惟以課子爲念子宗
堯中亞魁

譚文焜字元南耒陽庠生素敦品行非公不至
公庭順治甲午邑令清糧均賦命董其成髦期
不倦無負厥任

左紹郢字景行衡陽庠生天性孝友生母早世
事繼母如所生尤愛兩弟得繼母歡而教育從
弟亦如其弟又嘗捐基建祠以妥先靈解囊置
田以贍貧困造舟楫茶亭以濟行人凶年賑穀

不索其利有鬻妻償負者爲之全其室生平好
義樂施類如此

王作新耒陽庠生兄歿遺孤教養婚娶備至歲
饑舉家食粥減米以濟族鄰之貧者

歐陽旦字初平衡山人性端方不苟言笑動必
以禮與人交無陵谷然有軼檢者必正色責之
每祀事必誠必敬平居不輕入城市其事父也
父喜飲當年家故貧必思得其權薄田故無多
以十畝種秫竭力供子職母年九十病臥床褥
必親爲叩搔自奉薄而奉母必豐其教子也諄

諄以躬行爲本晚猶理家政或勸少休曰一息稍弛則一息生理已絕將終易簣更衣端坐而逝

伍人龍字凌霄耒陽人捐修橋路埠船以利行人往來者推爲義士

資九枚字遇符耒陽庠生秉性端方克敦孝友精書法當事咸欽仰之

徐鑛字金吾耒陽人爲人樸實嘗賑粥濟貧鄰人迫於饑寒欲售其妻給二十金全之

周浴字懷芳衡陽監生有某佃逋租將鬻妻以

衡州府志

卷之二十四

人物篤行

五

償浴聞止之悉捐所欠又某鬻身於浴其人誠實焚券給之田使耕至今有賴尤謹內行奉堂上篤友愛復祀田鄉評躋之舉飲於鄉

左致字望如衡陽庠生妻王氏有婦德王沒遂不復娶急公好施建祠睦族刊痘科集粹一書以濟嬰兒其居家推讓有古人風以子修品貴封文林郎

劉興佑字敬可衡陽貢生負才敏幹仗義好施歲饑捐穀賑濟多所全活完破枕出陷僕焚借券人推長者

梁咸詠字爾瑞未陽人以勤儉自持遇旱歉捐米賑濟貧者賴之

郭紹先字繩武未陽人值歲饑極力賑濟活人甚多

梁穆字爾梅未陽庠生品度方正言笑不苟絕不預外事

鄭鼎冕未陽人重義輕財族友重之

鄭建文字又植未陽庠生生平倜儻不羣爲諸生領袖

廖權字與可應亨子父歿蒼梧不避危亂千里

衡州府志

卷之二十四

人物篤行

五

奔喪母病濱危廢寢匝月至居心行事莫不合人心天理

吳朝昌未陽人撫姪猶子能全大義

謝再遇未陽庠生設館於天寧山時有某欠巨室穀三百鬻妻以償再遇出學俸一十六金往代償焉猶不足門人許開仕第道達亦感而助之遂全其室家

謝昌盛字又文未陽人慷慨好施與念切孤貧每年賑給綿衣於歲臘輒捐草薦炭米酒肉菜蔬與縲紼者

鄒致肅字怡先清泉人司訓桂東長於詩文遠近師之父病衣不解帶及父歿就館於外題曰銜廬蓋取詩出則銜恤之義與兄同居六十載無閒言

范應求字起築清泉舉人授新寧教諭性孝友有勸其父叔各爨者應求諫父待從弟成立始析箸其後常分館穀以助叔女弟早寡課甥猶子里中尹某父子俱病欲嫁其婦以供用應求曰無人奉養雖生猶死卽解囊給之其仁厚類如此

衡州府志

卷之二十四

人物篤行

五

文萍衡山人早歲至性過人親病焚香跪禱親沒廬墓盡哀萍年二十五卽喪其妻其母悲之甚萍自是終身不復娶兄弟七人相友愛二兄及六弟早故撫其子如己子生平樂施與有負債謀鬻妻子以償者萍給銀三十兩代償之聶繼模衡山人事祖父繼祖母克盡孝道喜讀古人切實書遵家禮屏斥浮屠年九十祭祀拜跪不倩人扶精醫理樂爲貧人治病給以藥不取錢性耽山水嘗攜子燾兩入都燾任鎮安教以置社倉建議學作誠子書一篇以子官

誥封文林郎

陳國賞字君寵耒陽人爲人正直治家勤儉遇族鄰婚娶喪事不計多寡竭力周急遇口角爭鬪事力爲解釋務絕訟端

王佶字義仲耒陽庠生奮志傳經孝友無愧工舉業未遂厥志機詐悉去有先民之遺範田園自樂有隱者之高風

趙燕字亦山衡陽貢生性慷慨喜施與常指困假貸不權子母歲饑私租減糶捐銀六百兩施粥有司上其事

衡州府志

卷之二十四

人物篤行

五

賜主簿職銜改建縣學復捐銀四百兩助工膺藩司額獎

張家特字及超衡陽人豁達不慕榮利而篤於行義捐墓田祠田家塾田各數十畝松木塘靈官廟集兵灘三處城北孔道各捐田八九畝不
等施茶行者賴之

張時政字赤玉清泉貢生品行端方友于兄弟喜施予購綿衣和丸散備棺槨周給鄉曲所費不貲數十年無間歲饑倡衆施粥捐穀減糶議敘主簿職銜

楊璟衡山人父性嚴璟委曲承懽事母扇枕溫
衾事繼母亦如之事長兄克盡弟道其父樂施
與璟承其志施藥施棺助修橋梁道路不以吝
倡族人修祠修譜力所能者皆勉爲之

李宗忠衡山人性醇厚非禮之投能以忍讓處
之好施與遇貧窘者賙之歲歉出所餘以濟乏
修理橋梁不惜捐貲以助

謝道達字達可耒陽庠生居喪廬墓見善必爲
一言一動均爲鄉里法

鄭光庠字養也耒陽庠生恪守臥碑有維持鄉

衡州府志

卷之二十四

人物篤行

七

黨閭事

陳天能字仰蘇耒陽人持家有度束身以慎爲
里閭推重

劉存紳耒陽人生平剛直慷慨好施鄰有貧而
艱於娶者捐資成就之值歲歉出穀賑貸多所
全活

李日開字子成耒陽庠生敦倫尙義好善樂施
排難解紛至老不倦

李崇文字漢若耒陽庠生家訓嚴肅仗義疎財
遇賣妻者相哭甚哀贈金錢十千以全之

伍文耀字眉山耒陽庠生不利己不欺人嘗自
律一聯放利人多怨毋欺已獨知當事咸重之
吳朝佩字鳴珂耒陽庠生孝友一本至誠撫孤
姪十八人視如己出交久能敬樂施與喪葬無
資者棺之割愛生離者全之逋者還其券族人
乏嗣者捐資續娶生平耿介端方著有醒世俗
言吳氏家訓居身禁忌等書行世

文士首字元甫耒陽庠生歲歉盡出莊租以貸
鄉鄰收成倍息來償士首不受人皆驚服

梁國器號易亭耒陽人十歲失怙事母色養無

衡州府志

卷之二十四

人物篤行

美

違撫遺弟友愛備至鄉黨共欽其德

歐陽日煥字子先耒陽人學行兼優孝友無愧

曹大禎字祥甫耒陽人八歲失怙事母克孝課

讀兒孫諄諄以實踐爲要

陳榮達字尊三衡陽廩生賦性端謹樂善好施
尤篤於友誼有同硯友某客死爲之歸殯更存
視其妻子乾隆十八年舉報優行

李曰鄧字次入衡陽人性醇謹不較曲直有攫
其金者偵知之不問曰廉恥事重吾懼其無以
立也又某逋田主租鬻其子鄧代償之得不鬻

有貧不能娶者將渝盟與之資藉以完枕里中
高其義兩舉鄉飲固辭不膺人猶服其謙退
趙盛濟衡山人事父母能盡心力親疾侍湯藥
不離膝事繼母如生母兄弟相友愛弟嘗患毒
瘡殫力爲調治不避污穢和睦宗族修族譜立
家規又嘗拾遺金還其主

譚秀俊衡山人幼嗜學困童子試循例入太學
躡棘闈者數事親克盡子職友愛兄弟雖同堂
不啻同胞樂行善事調族黨卹佃民寒則施衣
死則施棺諸如修理橋梁道路雖費重金不少

衡州府志

卷之二十四

人物篤行

五九

惜

許開俊字子秀耒陽人爲人誠實以義爲重至
於救溺女埋枯骨猶有足取者

羅光愚字公亮衡陽人樂善好施鄉里推重之
父以西八區屯田四十畝捐入縣學父亡有愆
愚變志者亮曰成父之義雖貧乏不惜也至今
供祀 聖誕

蕭天柱衡陽人業鹽米無長物而急公尙義捐
米賑粥捐資修學不遺餘力

歐陽蔭字亦田衡陽人賦性淳厚樂於施與偶

值歲歉減糶以濟里閭迨穀價過昂盡出所餘以周困餒全活者數百人

吳可嘉字茂生耒陽人賦性敦篤行己端方事父母以孝聞撫孤姪如己出捐金救人之難焚券濟鄉之貧髦而好學不求聞達垂訓子姪咸秉義方

賀世俊字千一耒陽人賦性耿介樂善好友素精醫嘗攜藥以賑疾病

謝汝齋耒陽人居心淳厚孝友克敦

戴立德衡山歲貢貌魁梧爲人凝重和藹無俗

衡州府志

卷之二十四

人物篤行

李

態戲言不出於口事老父奉命惟謹母早逝事繼母如生母兄弟二人相好無尤生平恥奔競家計亦日窘病革時身後費無措適捧領出貢旗匾銀至榻前於枕上作叩首狀細語云八十年老秀才稽古之力 聖澤及泉下遂端坐瞑目而逝

譚法言耒陽人居心誠厚每臨事不利己舉鄉飲賓

徐世啓耒陽人治家恭儉接物端方人皆感服其德舉鄉飲賓

鄒肇燕字長怡清泉人任平江訓導父歿哀慟三年不懈事母盡孝養於諸弟食必分甘弟肇煦字春籟廩生父性嚴正肇煦能承順喪葬盡禮

胡光緯字天章清泉廩生父國璠有鬻子者國璠出金贖之光緯事親孝與兄光綸終身無閒言族有爭嘗代金息之有以孤託者卒終所託光綸字允言庠生性沉靜勤學孝友綽有古風鄉里重其篤實

喻聖崑衡山人工舉子業數奇同學者咸爲惋

衡州府志

卷之二十四

人物篤行

三

惜賦性樸厚愛其親深懼不克當親心處兄弟閒誼甚篤庶幾內行無虧者

蔣文誘字循如清泉貢生祖朝莆字慶雲幼孤貧明季兵興派里民徭役朝莆年十六家無丁壯每旦赴郡祗應暮必念母歸侍日以爲常同里周大恩因亂逃賦以田書券付朝莆大恩挈家避武岡山中朝莆經理十餘年逮平定覓大恩歸舉田還之父興桃字爾祥修譜建祠置祭田義田學田修柘里渡橋繼朝莆之志文誘尤慷慨好義中年以疾謝舉業喜藏書皆手自編

校居親喪年近六十不以老廢禮邑中修建文廟考棚置西湖書院田皆捐重貲以襄其成重葺宗祠建家塾增其父所置祭義學三田歲饑疫出粟施藥鄉人稱長者舉鄉飲卒年七十三易簣時遺金屬諸子重新府學爲清泉創書院至聖生辰邑庠舊有捐祀文誘復捐田租二處以給餘爲諸生膏火資

資擎一清泉人鄉居好義歲歉擎一於本鄉捐穀千餘石以賑近地貧乏

謝顯學清泉人業農服賈性孝友父苦徭役顯學代父桎梏事繼母如所生三弟皆繼母出顯學教養成立次第婚畢而已始婚督耕課讀身董家政所置業悉分之諸弟有貧不能婚葬捐金以助

陳善諫字信可清泉人少貧訓蒙養親親歿盡禮兩弟歿視姪猶子皆成立敬宗篤族尤樂施予人稱長者

伍文禧耒陽人賜卹鄉里勇於爲善舉鄉飲賓李乃賢安仁人髫年失怙及長每於祭掃之時廬墓彌月哀泣備至事母最孝康熙辛丑秋母

於後園右掌中惡虫毒浮腫若爪痛不可忍醫者云吮出惡毒乃可救但恐吮毒者受毒耳乃賢曰母可救雖死何辭隨以口吮毒母病漸解而乃賢受毒週身腫痛數月始痊閭里咸以孝稱之

康如浚衡山人幼失恃事繼母如所生母沒廬墓期年幾成痺性友愛伯兄早喪爲撫其遺孤俾成立仲兄無嗣爲立後族黨交稱之

陳士宜衡陽人舉動恂謹而慷慨好施歲歉盡舉所有以周貧乏力不能繼稱貸以益之他如

衡州府志

卷之二十四

人物篤行

奎

施藥餌還遺金皆義形於色不爲利疚

成世佐字時亮衡陽庠生慷慨自負與人共處不設城府喜推解樂施與里黨推重舉鄉飲不
就

馮紹京字亦世衡陽庠生敦實和平不事藻飾無疾言遽色城西柘里渡橋兩修兩圯先後捐數百金而修橋之念尤切穀價驟踊捐濟貧乏旱歉不索租稅佃民藉以活者數十家舉鄉飲不
不就

伍應元字美甫衡陽人爲人方直不事繁華嘗

施粥以濟閭里嫁娶無資者出有餘以周之或稱貸而不能償輒焚其券其他勸訟止爭率多解橐而不令人知

吳朝楚耒陽人勤儉起家而輕財好善修橋補路至老不懈

吳謙字退之耒陽人於江岸泊舟獲金釵一股停楫以待遺者頃有婦人涕泣來覓遂還之

李萬蓮字協周清泉人兩兄早逝遺女二遺子一萬蓮一體視之母年九十萬蓮老患末疾不良於行猶問視不懈里有爭立爲解釋嘗爲人

衡州府志

卷之二十四

人物篤行

畝

全夫婦閭里稱之

吳朝玑字德生耒陽人溫恭盛德周急濟困精醫理製眼藥濟人

劉簡生字子若耒陽人慷慨交遊撫遺姪如己子見人難如己難教子有方見義必爲

曾國琥字友珀耒陽人事父母以孝稱友弟昆無閒言惟以勤儉持家正直接物生平不與人爭不出公庭修橋補路至老不倦

歐陽曷衡山貢生持身清謹賦性寬宏孝事雙親甄陶後學路拾遺金二十兩候失金者至還

之面無德色舉充鄉飲

曹學裕衡山人賦性孝友樂行善事有古長者風

段敏捷安仁庠生居家孝友處世公平寡言笑重然諾尤樂行善事

廖奇誠常寧人敦倫尚義鄉里服其端方

張溫前安仁庠生品行端謹克敦倫常處世接物人皆欽其公平

羅驥鄱縣庠生持身謹飭見義必爲更以孝友著聞

衡州府志

卷之二十四

人物篤行

奎

譚顯名鄱縣人純孝性成義方表著任興寧教諭不惟克正文體而以正心誠意爲訓

羅元英鄱縣庠生承歡根於孺慕友愛出於性生持身應物守正不阿

文貫衡山人學問優長任桂陽縣訓導士服其教咸以禮義廉恥爲重致政歸講義型仁汲引後進舉充鄉飲大賓年登九十猶著述不輟

歐陽曰楊耒陽庠生孝事父母生則曲意承顏沒則廬墓終制至應事接物公平和藹里閭無不推重

劉佳儀字彥昇衡陽庠生爲諸生數十年家故
貧雅弗經營篤志好學雖和寒盛暑未嘗廢業
性簡易不飾邊幅結衣曳履有高士風遇物坦
然絕無畦畛見人之善則勉其子弟爲可學其
於不善恬然若弗聞以故里黨之閒飲其正而
樂其寬

李國倬字可大衡陽監生少孤事兄嫂備極敬
愛讀書不事章句科名積志力行額其齋曰勿
欺賦性端方取予不苟有行人遺金五兩於路
拾待其人幾一日還之鄉里稱爲長者

衡州府志

卷之二十四

人物篤行

李

何子禹字九開幼失怙家無遺產經營養母必
求得其歡心生平深明大義力敦善行不求人
知性嚴正臨財弗苟族戚有紛爭事經其解釋
無不輪服

文中蘭字九畹衡山貢生事父母夕膳晨脩皆
口嘗而躬奉數十年未嘗少衰年十三補弟子
員嗜古力學胸存遠略遇試每剋其曹生平言
笑不苟端方自持里人有越禮者每耻爲所覺
成世雋衡山庠生好善樂施名重鄉里雍正
年路拾遺金夫金者還之毫無德色

李逢時衡山人居家孝友處世雍和好善樂施
輕財重義

趙應珍衡山人素性渾樸克敦倫常喜施與重
然諾以耆德舉充鄉飲

胡錫我衡山人存心重厚濟困扶危鄉里欽其
庸德

秦文煇衡山人負祖避亂登衡嶽峻嶺因用力
過度口中吐血祖曰爾力竭矣寧舍我毋傷爾
命文煇曰如舍祖孫何生爲仍勉力負祖登嶺
得免於難生平和易近人勇於爲善而居心恬

衡州府志

卷之三十四

人物篤行

七

淡絕無欺飾

周則敬衡山人立品端方持身謹恪和鄰睦族
砌路修橋夫婦俱年登九十餘歲康健不衰
譚顯開鄱縣人性好善樂施與凡遇亭橋道路
之傾圮者無不修葺因其老於農功有司上其
名蒙

賜八品頂帶

唐巍勲衡山庠生事親孝兩兄一弟早逝托以
孤巍勲爲教養成名

沈日升衡山庠生狷介自守口不談外事足不

履公庭始終不渝

劉宗杰衡山庠生與二兄同爨數十餘年一錢尺布不私食指漸繁始議各居

唐隆勲衡山庠生鍵戶讀書屢蹶鄉闈旋補國學性敦龐與物無忤

歐陽維嶽衡山人業醫所纂有養生備要治病不求售亦無德色

貢生何智鑑陳大治張顯勲張必昌謝際榮俱係安仁人以齒德舉充鄉飲大賓

衡州府志

卷之三十四

人物篤行

李八

係安仁庠以齒德舉充鄉飲介賓

侯興讓周庭蘭周祖郃唐舜進唐克堯侯邦鎮張信前係安仁人以齒德舉充鄉飲耆賓

貢生丁啓祚劉世定劉蘇文劉世爵魏士傑王揚緒洪紹文周時成劉高美俱衡陽人以齒德舉充鄉飲大賓

王生祁李梅鼎丁名璜劉興仁萬國珮李國儒劉隆璞蔣雯俱衡陽庠生以齒德舉充鄉飲介賓

張懋攸羅光臣易士仲劉明欽曾祖學唐思芳

鄒致億綦化民李彥秀盛德顯俱衡陽人以齒德舉充鄉飲耆賓

貢生蔣文讓清泉人以齒德舉充鄉飲大賓
庠生劉清監生符永燭俱清泉人以齒德舉充鄉飲介賓

曹士龍陳朝溢俱清泉人以齒德舉充鄉飲耆賓

高以文衡陽人持身謹飭處世和平事母以孝聞

鍾聲耒陽庠生賦性醇厚爲人簡默凡遇歉歲倡捐田畝以爲造舡僱夫之需行旅賴焉

侯祖尼衡山人持公秉正品重鄉評兼好善樂施於該邑三樟樹地方修造茶亭建立義渡捐田四十畝以作歲修渡船僱覓渡夫之費行旅往來莫不稱頌

熊維新衡山人偶遇歉歲倡先施粥有賣子媳者盡力周濟得生全之家凡三

陳安民安仁人爲人謹飭杜跡公庭而排難解紛鄉黨推服

張文安仁庠生持身嚴謹立品端方一門聚順
庭無閒言享年九十有奇

張明星安仁人居家孝友處世和平修理橋梁
道路不餘遺力

陳授中衡山庠生倫常克盡正直無私舉充鄉
飲介賓

衡州府志

卷之二十四 人物篤行

卅

附方伎

晉

區純衡陽人大興中純作鼠市四方丈餘開四門門有木人縱四五鼠於中欲出門木人輒以椎椎之

唐

張山人善拔術唐曹王臯貶衡州時嘗出獵得羣鹿十餘頭無何失之以問山人山人曰此術者所隱遂索水以刀禁之少頃於水中見一道士長纜及寸負囊拄杖而行山人取針就水中

衡州府志

卷之二十四

人物方伎

三

刺道士左足告王曰此人易追向北逐之果見跛道士與水中者無異因邀之道士笑而來王問鹿何在曰向哀諸鹿無故卽死所以禁隱今在山側王遣人視之隱於小坡不動王召山人與之相見乃郴州連山觀侯生其舊識也

咎老長壽寺僧嘗言他時在衡山村人爲毒蛇所噬須臾而死髮解腫起尺餘其子曰咎老若在何慮遂迎咎至乃以灰圍其屍開四門先日若從足入則不救矣遂踏步握固久而蛇不至咎大怒乃取飯數升擣蛇形誚之忽蠕動出門

有頃飯蛇引一蛇從死者頭入脛吸其瘡屍漸
低蛇炮縮而死村人乃活

元

曾世榮衡陽人號盲溪精於方脈著活幼心書
行世大德丙午市廛火將延世榮宅焱塵中聞
人喧呼曾世榮家併力進水煙止風收得不焚
云

本朝

行一順治閒行脚至耒陽竈頭市有妖假司命
爲崇常附人語吉凶事書精靈二字於笑人爭

衡州府志

卷之二十四

人物方伎

七

神之行一以杖擊竈碎之喝曰精從何來靈從
何去妖遂息

劉瓚字斐章衡陽人畫法精於宋元凡山水人
物翎毛花卉每著筆輒栩栩欲活嘗爲王中丞
之樞摹西洋畫法作牙籤萬軸圖真若有籤可
拾者中丞每過輒以手綽之年七十居山中有
塵外想全州謝觀察梅莊過訪與訣無病逝
歐陽振字文齋號話仙衡山人性真樸擺脫塵
俗年二十餘嘗於南嶽遇異人著赤衣縛縵負
巨石累嶽廟基皆人所不能勝者振異之與之

語頗復相接洽因自號話仙善卜易占人休咎多奇中喜畫山水出入黃子久米元章之間年八十三步履如少年燈下猶能作蠅頭楷長白范中丞見之諮以養生之訣振曰山人無他秘術但不作機械事耳中丞善之

湯應龍字雲從幼業儒明理博洽素問內篇諸書所著有太和篇運氣刪本毓靈要覽子日昇日景日旦日晟皆遊庠序世其業日旦字扶東著傷寒經條病因病畧諸書

陳士德字次公畫人物工妙山水小幀亦雅有

衡州府志

卷之二十四

人物方伎

三

風格遊江浙間人爭購其尺幅珍若琪璧巡撫潘嘗館置之世居迴鴈門外潘爲題扁曰正誼堂旣沒無紹其業者

曹崧字天柱號倚園性莊和好讀書稽古並工書得聖教序筆法於內經青囊諸集尤爲精究因以良醫名著有倚園心得脉占醫案觀察劉應鼎總戎冶大雄並旌其門曰仁者壽年八十四終長子士蘭字谷英號拙菴克世其業著有傷寒集註二十卷

劉觀宏衡陽人讀書未遂懷濟人之志究心醫

術遠近爭延之常急人之急遇窶人尤先往視
康熙四十九年城中病疫衡陽張令開局西湖
寺施藥以弭董之弭盡心診視全活萬計張贈
以額曰壽我生民著袖中經驗救生便覽二書
杜敬軒衡陽人爲人灑落幼攻儒不售改習岐
黃精於其技求者填門醫無不驗著脉經七十
二種方書一十二種藏於家

蕭慧字仲穎號一拙山人家貧父卒於黔慧扶
櫬歸葬工丹青著名黔省嗣是名著衡湘年八
十餘

衡州府志

卷之二十四

人物方伎

七

